

Iesu - Ömie

MARK

1

Bapataeto vaejaje ae John-hu jö majëhinövade jöhoje.

1 God-are Harihe Iesu Kerisohu mu mae barovade jöho na jajivo'ië'e. Ë mu ma aevadohoëhi jiadeje.

2 Mami gö'e hu bogo rovadevare evare jö God-aro baeromo majëhinövade ae Isaiah-roë mu maehu sa'are rueröhe jöho God-are surire jajivadeje. God-hu Keriso-are örirejövade jöho jajivoromo uvë'eje:

Ave aho God nasi jö bajuvaje aho höjo.

Ja va'ië'iroho naro hu urimo nugö'ö'iramu va'oromo ae uë'a'ajëjo jaehu va'iraneöroho iogoro'iröhego.

3 Aëro a rumo'e sa'are hiro mo ma-darugo'o uvo'a'ajëjo:

Badahu rueröhe öroho avohorego hu maro rue'irajo.

Hesi öroho ahorirëro vajivorego hu maro juvo'irajo.

4 Ëhi ë'iröhego Isaiah-hu jajivadëhi iae ëhi John-ro ijönö rueromo a rumo'e sa'arero hijadeje. Hiro mo aribövioho ruero mo'ego bapataeto vaejëvoromo jöe majëhinövadeje. Majëhiromo uënövadeje: Uehoro sisëho vuonugo'i uehoro mae baeromo bapataeto vaehego God-ro jemesi sisëho uehorovoromo vuonugëhajo.

5 Ëhi'ego Jerusalem amo rajoho aho'obëhe o Judea sa'a ioro'iorore raromarue ariböviohoaho'obëhe ëho jaburo ruero monövadeje. Rueromo jabeti sisëho huruoho'ego John-ro Jordanjovore bapataeto vaejëvonövadeje.

6 Röhu John niöge camel mi uehu avohë'e niögu sisëho ruohoromo mi sinehu avohë'egötaho dë'ahore ba'amoromo juvonövadeje. O hesi ioho hu guajuguajue vuome ëhi ibejuvonövadeje.

7 Röhu hu jöho ëhi uënövadeje: Ae gö nasi ijönö rue'ië'ajëjo. Huro na iosiremiromobörömo höjo. Naehu hesi mu bise'o vaejahoromo uruho'amoromo höru sino jiovaho'ibejodohoo mu bise'o bise'e rabe vaejaho'ibejodoho röhu na ma-bise'e jevajëjo.

8 Na ma-jovëremu bapataeto vaejëvë'e jevajëjo. A'i ë ahuro God-are Aru'ahohurobapataeto vaejëvo'ië'ajëjo.

Iesu bapataeto vaejamu Satan-hu dinamijade jöhoje.

9 John-ro ëhi jië'e muoho vaejamu Iesuro Galilee sa'are Nazareth amore jioromorovadeje. Rueromo uavamu John-ro ë Jordan jovore bapataeto vaejadeje.

10 Bapataeto vaejamu gagorovo Iesuro jovore jioromo rojo ionire nami'i gavadejeö'idöho arorovo'ego God-are Aru'ahue guaho va'ënohuro hesirire ruvebijamu.

11 Ruvebijamu gavë'i ae aho'obëhe hejareje ö'idöre uvavamu: Ja nasi Harihu mabëhejavajëjo. Na ja garomo ëhuro nasi dë vövöbajo'oho nimorohevajëjo.

12 Ëhi uvamu gavë'i God-are Aru'ahohuro darugo'e jöho Iesure dë vövöbajo'ere bojamamuhuro ri'öromo a rumo'e sa'a göre ajiomadeje.

13 Ajiomamu huro God-are jöho ahöjoro Satan-ro hesi dëho bijioho ga'i hijadeje. Bijioho ga'i hijamu je'o mi sisë jioruomajinö ë hijadeje röhu aneraëro ajamareje. Ëhi'obe va'adoho majae 40 barëjadeje.

Iesuhu uëvamu visu suovarue ae 4 jabuhu aevoromo hesi ijore ijore jijihare jöhoje.

14 Ëhi'amu aëro John guduamo bava'oromo savoji gagore ba'amareje. Savoji gagoreba'amamu evare Iesuro Galilee sa'are ajiomoromo God-are jö maho majëhinövadeje.

15 Majëhiromo uënövadeje: God-are maja börömo hövë'e höjo. Jemë iae ga'ië'arujëjo God-ro böröme namiromo muebejëvego. Ëhuni uehoro sisëho vuonugo'i God-are jö mahomae uehorovohëjo.

16 Ëhi'oromo iae Galilee e'u riröre juvadeje. Juvo'i gavadeje Simon'o Andrew'oö'o ö'o visue suovarue aëro jëvë'ëro viöho jovore ba'amamu.

17 Viöho jovore ba'amamu gëgorovo uëvadeje: Nasi ijoro ijoro ruehëjo naro røjëhijegojemëro bogo visuoho gagovo'i a'i ae magonahe gagovëvego nasinö jioruomoi'iröhe höjo.

18 Ëhi uëvamu hejë'i jaburo viöho ëhi vuonugo'i aevoromo hesi ijore ijore jirehonövareje.

19 Ëhi'amu Iesuro ma-bisemu va'anovo'i gavadeje Zebedee-are harihe niö'i James'oJohn'o ö'o ö'o jabesi boat gagore arijamu. Ariromo jabesi viöho sigohijamu gëvë'i

20 uëvadeje: Ruehëjo. Ruehëjamu hegorovo jaburo jabesi vavue Zebedee hesi mu vaejarueariböviohu'o gemu mae boat-re hijajoho vuonugo'i aevoromo Iesure ijore ijore jirehonövareje.

Satan-are aru'aho sisë ae gemu hesi dëre jiamu Iesuhu rarovö'öjade jöhoje.

21 Ëhi'oromo Iesumëro rue Capernaum amore va'areje. Va'oromo God-are nuho majahorovamu Iesuro God rajahijarue osare va'oromo God-are jö bëhoho røjëhijadeje.

22 Røjëhijamu heromo tiöromo uvoruomadeje: Hesi jöho darugo'e jö ma-mabëhe javavajëjo. Ëhi uvoruomade hesi bëhoho Jew rajo jögoru öri røjëhijarue ariböviehu røjëhijarëhiohohu bogo ëhioho majëhi'i a'i hesi birire baejë'ëro jöho majëhijadeje.

23 Jabumëro ëhi uvoruomamu röhu evare majare Satan-are a sisëhu dëre abuejë'e ahoë osare hijë'ëro ma-darugo'o uvadeje:

24 Iesu Nazareth rajoho ja rabëni sihusihuagu'o'i rovine höjo. Na ja ijumavuo'ië'anuëjo. Na iae ja gavajëjo. Ja God-aro jioromo rovë'e a ma-maemu jië'e ae javajëjo.

25 Ëhi uavamu hejë'i uavadeje: Jöho vuonugo'i höröjëjo.

26 Höröjëjamu hejë'i uhure a sisëhuro ë a hesi simanoho huotovahamu bijöbijövoromoövo'o höru'o ajiomadeje. Övo'o höru'o ajiomamu a sisëhuro jö'e dadovoromo höröromova'adeje.

27 Höröromo va'amu ë aribövioho aho'o tiöjvadeje. Tiöromo berohoromo uarovareje: Aveho mu rabe höjo. No bogo hejarue jöho jövajëjo. Ë iaho daruge baejë'ëro ëhu'ërohuhu jö bojëmijë'oho aru'aho sisëho jabu'o ejaharue höjo.

28 Ëhi'amu Iesuhu vaejaje mu hesi jöho ë Galilee sa'are raromaruoho aho'o hebeva'areje.

Iesuhu guomo guomo'e ae aho'obëhe ajëmade jöhoje.

29 Ëhi'amu Iesumëro God rajahijarue osare ë jioromo va'areje. Va'oromo Iesuro James'oJohn'o gemu mae va'oromo Simon'o Andrew'o arijarue osare rovareje.

30 Röhu Simon-are jure magonaho hesi sino haho'oho vörö'iraejamu röhore raromë'ejjadeje. Raromamu Iesuro osare rovamu gavë'i ë ariböviohuo uavareje: Ave magonahohoguomo guome baejë'e höjo.

31 Baejë'e höjamu hegorovo Iesuro rueromo övore ma'enoromo banigojiomadeje.

Banigojiomamusino haho'ere vörö'iraejadoho u'uhadeje. Vöröho u'uhamu hegorovo magonahohuro ri'öromoiruno'e avohëhadeje.

32 Avohëhë'ëro majae beva'amu gagorovo aëro guomo guomo baejë'e aribövioho aho'o Satan-are a sisëhu dëre abue'amë'e aribövioho aho'o ëhi ujuoho ruoruomadeje.

33 Amo raje ae aho'obëhe rueromo Simon-are ojanore gagovoruomadeje.

34 Gagovamu Iesuro guomo guome gö gö baejë'e ae aho'o jabesi sinoho avohëhoromoaru'aho sisëho aho'o a jabesi dëroho rarovö'öjëvonövadeje.

Rarovö'öjëvoromo ë aru'ahosisëho uënvadeje: Jöe nugohëjo. Nadi nasi jöho huruohohëjo. Iesuhu ëhi jië'e jö jövadehesi bëhoho ë aru'aho sisëho jaburo gavë'ego hu ëhi jië'e ae jiamu garuomë'ego ëhunijövadeje.

Iesuhu Galilee sa'are jö majëhibe juvade jöhoje.

35 Ëhi ë'ë'ëro sisonuvo'i titimamugo Iesuro ri'öromo va'o a rumo'e sa'are hiromoë parie vaejadeje.

36 Parie vaejamu Simon-mëro Iesu nahobe rovareje.

37 Nahobe rueromo birohoromo uavareje: Ae aho'obëhe ja nahavaruëjo.

38 Nahavaruëjamu Iesuro uëvadeje: Ruehego no amo göre göre va'arëjo naro God-arejöhö amo ioro'iorohu'o majëhi'irode höjo. Ë hesi bëhoho na ëhi ë'irodëro rovode höjo.

39 Ĕhi uēnugoromo va'oromo God-are jōho Jew rajehu God rajahijarue osare osaremajēhibe Satan-are aru'aho sisēho a jabesi dēroho rarov'ōjēvobe ēhi'obe Galilee sa'aebōvioho juvo barējadeje.

Iesuhu sino jomo'e a ajamade jōhoje.

40 Ĕhi'amu iae sino jomo'e ae gemuēro rueromo ague aho hiromo ēninamiromo uavadeje: Ja nasi sino avoheho'iranoho ja eni javajējo. Ĕhuni jasi nimoromo ajemijē'ohuro iaeajemi'anuējo.

41 Ajemi'anuējamu Iesuro huni vavaenimoromo övoho nugō'ōromo sinoho rēhahoromouavadeje: Iae na negajējo ajami'iro. Marējējo.

42 Marējējamu gavē'i jomoho rireromoromo hesi sinore sisē sisēho barējadeje.

43 Barējamu gavē'i Iesuro hu nugō'ōromo darugo'e jōho uavadeje:

44 Aveho hejējo. Nadi aho uēnējo. A'i ma-va'iranoho jasi sinoho priest rōjahegoga'irajo. Ĕhi'ego Moses-hu uövuade ēhi jiē'e suvuroho God-are öroro bojamego aērogaromo uvo'irarējo: Jasi sinore sisēho barējē'ero iae mae javajējo.

45 Ĕhi uavamu rue ahuro Iesure jōho bogo ejaho'i va'oromo Iesuhu ajamade jōhoae majēhibe juvadeje. Ae majēhibe juvamu ae aho'obēhe hebe va'amu Iesuro urimo ē'onövadēhiamore amore ma-va'orahoro juvo'iē'oromo gavade ae aho'o hu ga'i tagavamu gēgorovovunugo'i a rumo'e sa'are va'o hijadeje. Hi'ego ae aho'obēhe dinō'e dinō'e jioromohu ga'i ruenövareje.

2

Övo hörü'e vuovahē'e a Iesuhu ajamade jōhoje.

1 Ĕhi'amu iae majae gemu niō'i barējamu gagoro Iesuro Capernaum amore vuonorō'örovadeje. Rovamu ae aho'obēhe hejare uvamu: Iesu hesi osare hijajē uvamu hegorovo

2 rueromo ē gagovoroumadeje. Gagovoroumamu röhe aho'obēhe osaho ojanoho rarovobarējadeje. Rarovo barējamu huro God-are jōho majēhijadeje.

3 Majēhijamu evare ae ēhi niō'i ēhi niō'i jaburo övo hörü'e vuovahē'e aho maratuoregiojimo barue'i a ioro'iorohuro ma-namijēho rovareje.

4 Rueromo Iesure bēhire rue'iē'oromo gavare ae aho'obēhe tagavoromo röhohe rarovē'ejiamu gagorovo javu dönö ba'ojiomoromo Iesure simano namonö dadovareje. Dadovoromomaratuo'u o ēhi nume osare ba'amareje.

5 Ba'amamu Iesuro gavade i'e rovare ariböviohuro hu mae uehorovoroumamu gēgorovoövo hörü'e vuovahē'e aho uavadeje: Harihējo. Jasi sisēho uehorovoromo vuonugoromomu'u barējahē'e höjo.

6 Mu'u barējahē'e höjamu hegorovo Jew rajo jōgoru öri rōjēhijarue a ioro'iorohuroē raromoromo jabesi simanēro uehorovoromo uvoruomadeje:

7 Asē'ējo. Ave aho rabēni ēhi jiē'e jōho jövajējo. Ĕhi jiē'oho huro God-are ihohojumajējo. Hu ma-ae höjo. Röhu huro ē aho uavajējo: Naro jasi sisēho uehorovoromovuonugoromo mu'u barējahē'e jevajējo. Ĕhi jiē'e muoho hesi God-ro gemuēro vaejajehöjo. Ma-aho bogajo.

8 Ĕhi uehorovamu Iesuro hesi dē vövöbajo'ero gēromo uvadeje: Jabumē ēhi uehorovaruēmouēvadeje: Jemē rabēni uehore gö gö baejarujējo.

9 Jemē'o uehorovohējo. Ave övo hörü'e vuovahē'e aho nani ja ēma ua'a'anuējo: Jasisisēho uehorovoromo vuonugahē'e hö ua'a'anuējo. Ja ēhi ua'ibejanējo aho nunoho bogoga'ibejarējo ja mae o sarere jövē'e javego. Röhu ja bogo ēma ua'a'anuējo: Ri'öromojasi maratuoho banigojiomoromo nami juvējo hesi guomo guomoho bogo barējējo ja javojagöjōēni.

10 Röhu ē bogo ēma jövo'ibejane jōho iae na jövo'ejōjo huro ejehoromo ri'ö namijuvego jemēro ē muoho garomo ēhuro ga'iririjego God-are A Maho naro sa'are hijajireevare sisē mu'uvaje darugoho ēhu'o baejē'e jevego. Ĕhi uēnugoromo röhu övo hörü'evuovahē'e aho uavadeje:

11 Naro ja uavajējo: Ri'öromo raromanue maratuoho banigojiomoromo baeromo jasiosahuro va'ējo.

12 Va'ējamu hejē'i ruehuro ri'öromo maratuoho ma-burēro banigojiomoromo baeromoae aho'obēhe jabesi nunire höröromo amonö va'adeje. Höröromo va'amu gagorovo ē ariböviohuroaho'obēhe tiō'i God rajahiromo uarovareje: Asē'ējo. Ĕhi jiē'e mu börömohe urimohono bogo gavare höjo.

Levi-hu Iesuare ijore ijore juvoröhego Iesuhu uavade jöheje.

13 Èhi'amu iae Iesuro amore jioromo va'oromo rõhu maho Galilee jovo e'u riröheva'adeje. Va'amu ae aho'oböhe ijore va'oromo hesi böhire gagovoruomadeje. Gagovamugagorovo jöho rõjehijadeje.

14 Røjehi barënuoromo va'adeje. Va'i gavade tax baejaje ae hesi ihoho Levi Alphaeus-areharihoho hesi mu vaejaje osare hijamu gagorovo uavadeje: Rueromo nasi ijoro ijorojuvonövonöhejo. Juvonövonëjamu hegorovo ri'öromo aevoromo Iesuare ijore ijore juvonövadeje.

15 Èhi'amu Iesumëro Levi-are osare ie ue'ahamu evare tax baejarue ae aho'o sisëaribövie aho'o urimo Iesuare ijore ijore jijihonövë'ëro jië'ëro èhu'ëro èho jaburorueromo Iesu'o hesi ijorajo ömo'ömohu'o gemuoro ioho ue'ahareje.

16 Ie ue'ahamu gëgorovo Pharisee aribövie Jew rajo jögoru öri rõjehijarue ariböviohurogavare Iesuro sisë ariböviohu'o tax baejarue ariböviohu'o èho jabu'o gemu mae ie ijamugagorovo hesi ijorajo ömo'ömohu'o uëvareje: Asë'ëjo. Hu rabëni tax baejarue ariböviohu'osisë a ioro'iorohu'o gemuoroho hiromo ioho ijajëjo. Èhi jië'oho sisë höjo.

17 Èhi jië'oho sisë hö uvavamu hegorovo Iesuro hu'o heromo è Pharisee ariböviohouhu'e uëvadeje: Jemëhu nasi aribövi èhi uëvarujoho rõhu guomo guomo'e ariböviohuremudotor gavarue höjo mae jëvë'e aribövioho bogajo. È hesi bëhoho naro sisë ariböviohonasinö jëvojöro uë'i rovode höjo ma-döemu mae jëvë'e aribövioho bogajo.

Bëhoho rabëni Iesuare ariböviehu i bogo vuonugare jöheje.

18 Èhi'amu iae John-are ijore ijore jijiharue ariböviohu'o Pharisee ariböviohu'o èho jaburo God uehorovo'i ioho vuonugareje. Ioho vuonugamu aëro rueromo Iesu uavareje: John-are jö o Pharisee jabesi jö hejarue è aribövioho jaburo ioho vuonugarue höjo. Rõhu jasi aribövioho rabëni bogo èhioho ioho vuonugarue höjo.

19 Rabëni bogo èhioho ioho vuonugarue höjamu hegorovo Iesuro uëvadeje: Nasi ijoreijore jijiharue ariböviehu i bogo vuonugarue hesi bëhoho naro uhu'e uë'ië'ajëjo. Najemëro uvarujëjo: I'o masu'iröhe a hesi söröre rueromo aemo'aemëro ioho vuonugo'aruëjo. Bogo èhioho jio'i a'i i'o masuröhe aehu jabu'o hijajevare evare ioho ue'aho'aruëjo.

20 Rõhu majae ijönö i'o masuröhe aho aëro guduamo bava'iramu evare ioho vuonugo'aruëjo. Avevejö'oho naro jabu'o hijë'ego jabu ioho bogo vuonugo'aruëjo.

Jew rajehu gororovo'iröhe jögoru mamiohu'o Iesuhu barovade mu i'ohu'o bogo gemuore havo'iröhe jöheje.

21 Èhi uënuoromo Iesuro uhu jöe gö'o majëhiromo uëvadeje: Niögu i'ohu'o mamiohu'obogo havo'anuëjo. Bogo havoromo niögu mami dadovadiroho niögu i'o hesi vituoho baeromoniögu mami hesi gagoroho bamoromo sigohi'anuëjo i'ohuro duduhirovoromo mamioho ruhobarovego dadovego gagohe böviraëjöhëni.

22 O wine jovo mi sino gagore bigu'ië'iroho jovo i'ohu'o mi sino mamiohu'o bogogemuoroho havoromo jovo i'oho mi sino mamiroho bigu'anuëjo. Èhi è'ibejanëjo jovohurogatovoromo ögohuro bibivoromo mi sinoho mamiëro jië'ëro tögömoromo ioro'ioemu dadorovegojovoho rova'o barë'ibejajo. A'i jovo i'oho mi sino i'o hesi gagoremu bigu'anuëjo.

Jew rajehu nuharue maja hesi jöheje.

23 Iae Jew rajo nuho majaho rovamu gagorovo Iesumëro mure jijihareje. Jijihoromohesi ijorajo ömo'ömohuro ioho babovoromo ue'ahobe va'areje.

24 Babovoromo ue'ahobe va'amu Pharisee aribövieho Iesu uavareje: Asë'e jaruvohonuho majae höjo. Jasi ijorajo ömo'ömehu i avoharuoho èho nuho maja hesi jögoroho aharuëjo. Jabumë rabëni èhi jië'oho è'aruëjo.

25 Èhi uëvamu Iesuro uëvadeje: David nosi a böröme jionövade höjo. Rõhu hu'o hesiariböviohu'o ie bogojëvoromo hömëvamu huhu è'ade jö God-are surire adaharijoho èhodieh'i'oromo bogo avoho uehorovarujëjo.

26 Abiathar priest böröme jiadevare evare David-ro God-are osa mare va'ade höjo. Va'oromo God-are nunire bahijare ioho ujuohoromo vituoho i'i vituoho hesi ariböviohoi'imëmamu ue'ahare höjo. Èhi jië'e ioho bogo aho ue'aho'i hesi ma-priest-ëremu ue'aho'iröheie höjo. Rõhu jabuhu ue'aharohuro èhuro jögoroho ahare höjo. Rõhu è hesi jöho bogojiadehöjo.

27 Ĕhi uēnugoromo uēvadeje: God-ro nuho majaho bamē'e hōjo ae ajamui'irōhēro. Bogoaho bamavuade hōjo nuho maja hesi jōho e'irōhego.
28 Ĕhu'ēro God-are A Maho naro nuho maja hesi jōgoroho ēhu'o muebejaje hōjo.

3

Ōvo guomahē'e a Iesuhu ajamade jōhoje.

1 Ĕhi'amu iae Iesuro God rajahijarue osare rumo va'adeje. Amo ē osare ōvo hitahiguomahē'e aho hijē'e jiadeje.
2 Hijamu gagorovo aēro ē raromē'ēro Iesure jō sisēho nahoromo uvareje: Iesuhuē a hesi ōvo avohēhē'oho noro a masijoho huruoho majēhiromo uē'ejarejo: Iesuro a ajamajemuoho vaeromo nuho maja hesi jōgoroho ahade hōjo. Ĕhi uvoromo jabumēro ma-hu gemuērimahareje ga'iro nuho majare huro ē a hesi ōvoho avohahego o bogo.
3 Ĕrimahamu Iesuro ōvo guomahē'e aho uavadeje: Ave a nunoro rovējamu rovadeje.
4 Rovamu hu bijōnimoromo ērimaharuoho uēvadeje: Nosi jōgoroho diehi hōjo. Nuhomajaro na ae mae vaejēvo'ejarejo o sisē vaejēvo'ejarejo. I'ovēvo'ejarejo o muo'amo'ejarejo. Ĕhi uēvamu rue aribōviohuro ma-jōrumoraējareje.
5 Jōrumoraējamu Iesuro uvadeje: Ĕ aribōvioho hia'i biriri'e aribōvie jioruomajēuvoromo huē vavaeni bōrōme baeromo dē vōrōnimamu uherihoromo ē aribōvioho gēvadeje. Gēnugoromo ōvo guomahē'e aho uavadeje: Jasi ōvoho nugō'ōjējo. Ĕhi uavamu hegorovoōvoho nugō'ōjamu marējadeje.
6 Marējamu gagorovo rue Pharisee aribōviohuro suorovo va'oromo sa'are a bōrōme Herod nimarue aribōviohu'o gemu mae gagovoromo Iesu anorōhe jōho mevoruomadeje.

Ae aho'obēhe e'u rirōre raromare jōhoje.

7 Ĕhi'amu Iesuro hesi ijarahō ōmo'ōmohu'o gemu mae ē amore jioromo va'oromo Galilee'u rirōre abuejadeje. Abuejamu ae aho'obēhe mae Galilee sa'are jioromo hesi ijoreruoruomadeje.
8 Rueruomamu rue Jerusalem amore Judea sa'a ioro'iorore jioromo arue Idumea sa'arejioromo ruhe Jordan jovo ioro'ioro gōnō jioromo nume Tyre amo'o Sidon amo'o jiajinōē ae aho'obēhe jioromo Iesuhu mu masijo vaejaje jōho hegorovo hesi ōrire rueruomadeje.
9 Rueruomamu gēgorovo Iesuro uvadeje: Ae aho'obēhe jioruomē'ēro nani jabumēro natatijiomevoruomō'ajē uvoromo hesi ijarahō ōmo'ōmohu'o uēvadeje: Boat harihe avohehegona ē hi'irōjo.
10 Rōhu Iesuro hu tatijiomorōhe jō uehorovade hesi bēhoho huro ae aho'obēhe avohēvamumae jio'amē'ego guomo guomo'e aho'obēhe gōēro gō bijimō'ōbe iosiramiovobe rue'ie'arejehu rēhego mae jēvorōhego.
11 O Satan-are aribōviehu a dēre jioruomajoho uēvego suorovoromo va'oruomorōhego.
12 God-are Harihe javajē'ego Iesuro ē aru'aho sisēho uēnōvadeje: Jōe nugohējo. Na rahu jevajoho bogave aho huruoho majēhi'irarijējo.

Iesuhu hesi ijarahē aho'o 12 baejēvade jōhoje.

13 Ĕhi'onugoromo iae Iesuro dahorure ajiomoromo hesi baejēvo'i nimade aribōviohouēvadeje: Ruehējo. Ruehējamu rovareje.
14 Rovamu ae aho'obēhe 12 baejēvadeje hu'o gemu mae raromo jijihō'irōhego. O rēmō'ōjegohesi jōho ae majēhibe jijihō'irōhego.
15 O Satan-are aribōviehu a dēre jioruomajoho uēvego suorovoromo va'oruomorōhego.
16 Rōhu baejēvade aribōvi jabesi ihoho ēhi jēvadeje. Simon baejadeje. Rōhu Iesuroiho gōho Peter jumuvadeje.
17 Rōhu Zebedee-are harihe niō'i James'o John'o ō'o ō'o baejēvadeje. Rōhu Iesurojabumē niō'i ihe Boanerges jumēgadeje. Jabesi jōho Boanerges iho bēhoho nosi jōhovajerehu anajēhi ēhi jēvē'e ae jēve.
18 Rōhu Andrew Philip Bartholomew Matthew Thomas o Alphaeus-are harihe James o Thaddaeus o Simon ēhi baejēvadeje. Rōhu Simon hu Jew rajehu jabesi mueberovo'i nimadeaho jiadeje.
19 O Judas Iscariot hu'o baejadeje. Judas Iscariot hu ijonō Iesuni hiruēmiromoa jabesi ōvore bojēmi'irōhe aho jiadeje.

Iesuhu Satan-are aribövi a dëre jio'amamu rarovö'öjêvadoho hu bogo Satan-are darugoho baeromo êhioho ë'adeje. Ê hesi jöhoje.

20 Êhi'onugoromo Iesu va'oromo hesi osare hijadeje. Hijamu ae aho'obêhe mae rôhumaho hu ga'i ro gagovamu êhuro Iesu'o hesi ijorajo ömo'ömo'u'o i ue'aho'iröhoho bogoeni jêvadeje.

21 Bogo eni jêvamu hesi aganhuro êho heromo uvareje: Nani Iesuare simanoho sisêrêjahê'ehöromo hu guduamoromo hu'irae bava'i rovereje.

22 Êhi'amu Jew rajo jögoru öri rôjêhijarue ariböviohuro urimo Jerusalem jioromorovê'ëro atoromo uvonövereje: Iesu hu Beelzebul aru'aho sisê dëre jiajêjo. Sisê abörömohuro vöröho bojamijego êhuro a dëre aru'aho sisêho rarovö'ö'amaje höjo.

23 Rarovö'ö'amaje höjamu hegorovo Iesuro uêvadeje: Ruehego na jöe majêhijöjo. Majêhijöjamurovamu uhu'e uêvadeje: Diehi'oromo Satan-ro hesi aru'aho sisêho rarovö'öjêvojöro uvarujêjo.

24 Sa'ae gemuehu adovoromo jabesi arijo'arije muorovê'o'ho ë sa'aho bogo biririvo'ibarêrovo'ajêjo.

25 O agane gemuehu adovoromo jabesi arijo'arije muorovê'o'ho ë aganoho bogo biririvo'ibarêrovo'ajêjo.

26 Êhuni Satan-ro ri'öromo hesi ariböviohu'o muorovo'ibejajo hesi darugoho uehorohomuho bogo biririvo'i barê'ibejajo.

27 Röhu aehu darugo'e a hesi osare rumo va'oromo hesi mae sisê ujuohaho va'ie'irohobogo ëma ujuohaho va'irögoru urimo darugo'e aho guduamoromo tövonugoromo evare hesiinömo inömo ujuohaho va'a'ajêjo. Naro Satan êhi ruahö'öjaje höjo.

28 Ave jöho na jö mae uê'ie'ajêjo. Aehu mu sisê vaejê'o'ho God-are iho ijumaruejê sisê atê'o'ho aho'o God-ro uehorovoromo vuonugêho'ajêjo.

29 A'i God-are Aru'aho hesi iho ijumê'o'ho êhi jiê'e jö sisêho God bogo mae bogouehorovoromo vuonugo'i ë mu sisê vaejê'o'ho ë hesi i'uoho ma-ioro'iore gemu baerumo'ajêjo.

30 Iesuhu êhi uêvade hesi bêhoho ë ariböviohuro atoromo uvareje: Aru'aho sisêroIesuare dëre abuejê'e höjo.

Iesuare vëmu ömo'öme ö ömo'öme rahumê jêvaje jöhoje.

31 Êhi'amu iae Iesuare vëmohu'o ö ömo'ömo'u'o rovereje. Rueromo amonö riravoromoIesuro ruejöro jöe nugö'öjareje.

32 Jöe nugö'öjamu Iesu ririre hi'i ae aho'obêhe ruê numê raromo rova'o rojomê'ërouavareje: Hê-ajo. Jasi vëmohu'o ö ömo'ömo'u'o ja ga'i nimoromo amonö ro riravarujêjo.

33 Riravarujêjamu uêvadeje: Jemê uehorovarujoho nasi vëmoho ö ömo'ömo'u'o di ariböviohojioruomajêjo.

34 Êhi uënuogoromo uherihoromo ruê numê raromo rova'o rojomarue aribövioho gëromouêvadeje: Aveho gahêjo. Aruëroho nasi vëmohu'o ö ömo'ömo'u'o jêvajêjo.

35 Ae rahu God-hu nimaje mu vaejê'o'ho êhuro ë aribövioho nasi öe ma'ine vëme jioruomajêjo.

4

Aehu i ujo sa'a mare sa'a sisêre riremado uhu jöhoje.

1 Êhi'amu iae Iesuro röhu maho e'u riröre va'o hiromo jöho rôjêhijadeje. Rôjêhijamuae aho'obêhe ro tagavamu Iesuro jovore boat gagore va'o hi'i ae aho'obêhe jovo riröreraromareje.

2 Jovo riröre raromamu Iesuro uhu jöe majêhiromo êhuro jöe aho'obêhe rôjêhijadeje. Rôjêhiromo uêvadeje:

3 Jöe hehêjo. Iae ae gemuëro i uje ujuohoromo mure riremô'i va'ade höjo.

4 Riremobe va'amu ujo ioro'ioroho örire rireromade höjo. Rireromamu gavê'i ugëroro i barêjare höjo.

5 Ujo ioro'ioroho munê uhunö jiê'e sa'are rireromade höjo. Rireromoromo ma-burërori'amade höjo sa'aho munê döro ma-bisemu jiê'ëro.

6 Riromo dirumoho bogo ma io'amê'ëro majaëro rojomoromo anamu sahor'i'amade höjo.

7 Ujo ioro'ioroho bibë'e resu resu'e sa'are rireromade höjo. Rireromë'ëro bibë'eresuohuro riromo ujo maho baba'amade höjo. Baba'amamu maho bogo rae'amade höjo.

8 Ujo ioro'ioroho sa'a mare rireromade höjo. Rireromoromo riromo ëgovoromo bajohorae'amade höjo. Uje gemu gemu röhu ioro'ioroho baje 30 rae'amo'i ioro'ioroho 60 rae'amo'i ioro'ioroho 100 rae'amade höjo.

9 Èhi uëngoromo uëvadeje: Ae rahu ja God-are jö hejanue ae javë'oho bëhoho nahoromobirohonëjo.

Iesuhu rabëni uhu'e majëhinövade ë hesi jöhoje.

10 Èhi uëvamu ijönöho ae aho'obëhe bogojio'i Iesuro hesi ariböviohu'o gemu maehijadeje. Hijamu hesi ijorajo 12-hu'o hesi bëhire raromarue aribövi ioro'iorohu'oëho jaburo uhu jö hesi bëhoho ua gavareje.

11 Ua gavamu Iesuro uëvadeje: God-ro böröme namiromo aho'obëhe muebejaje jöho urimohosubivëhade höjo. È subivëhade jöho huro hesi suvuore jemë bojëmijë'e höjo jemëremuhe'irarijego. Èhu'ëro jemëro jö bëhoho he'i a ioro'ioro jabesi öriroho ma-uhu jöemurovaje höjo.

12 Jabuni ma-uhu jöemu rovaje hesi bëhoho ë jöho God-are surire jajivoromo ëhiuvë'e höjo:

God-ro nimade höjo ë ariböviohuro muoho ma-gaemu ga'i bogo avoho garuomoröhego.

O jöho ma-hemu he'i bogo avoho heröhego.

Garomo he'ibejarëjo jabumë huotorovoromo God-arinö va'ego ëhuro hu jabesi sisëho uehorovoromo vuonugo'ibejajo.

I ujo sa'are riremado uhu jö Iesuhu huruoho majëhijade jöhoje.

13 Èhi uëngoromo uëvadeje: Röhu naehu majëhijode uhu jöho jemë diehi'oromo bëhohobogo hejarujëjo. Bogo hejarujoho diehi'oromo uhu jö ioro'ioro hesi bëhohu'o avohoherëjo.

14 Aehu mure ruruhö'öjaje i ujo hesi bëhoho ëho God-are jö a majëhijajoho uëromoë'ode höjo.

15 Ujo örire rireromamu ugehu i barëjare jö hesi bëhoho aehu God-are jö hejamugavë'oho Satan-ro ma-burëro rovaje höjo. Rueromo gavaje God-are jöho i ujonö'e jabsidëre jiego garomo baeniëhiromo rori'o bu'öjaje höjo.

16 O i ujehu munë uhunö jië'e sa'are rireromoromo riromo sahor'amade jö hesi bëhohoaëro God-are jöho hejarue höjo. Heromo ma-burëro nimorohoromo jöho ejaharue höjo.

17 Ejahoromo jöho ma-döëremu baejë'ëro majae ma-bunemu mae uehorovoromo garöheGod-are jö uehorovaruohuni aehu sisë vaejëvamu gavë'oho o huë vavaene rovamu gavë'ohoma-burëro vuonugarue höjo.

18 O ujehu bibë'e resu gemuore rireromade jö hesi bëhoho aëro God-are jöho heruomajehöjo.

19 Heromo ave sa'a hesi muohuni nurunurumoromo o sarerivoromo inöme börömo maejuoho'i o bövie bise'e ujuoho'i nimoromo ëhemu uehorovoromo ëho jabesi nuninö bamaruehöjo. Bamoromo sa'arohemu uehorovaruohuro ëhuro God-are jö jabsi dëre jiajoho taemegojabumë bogo rae avoharue höjo.

20 O ujehu sa'a mare rireromoromo baje 30 o 60 o 100 rae'amade jö hesi bëhoho aëroGod-are jöho heromo ejahoromo rae avohoruomaje höjo ioro'iorohuro ioro'ioroho iosirëmiromomu ma-mabëhe vaejarue höjo.

Iro bueromo va'orahore bahijarue uhu jöhoje.

21 Röhu uhu jöe gö'o majëhi'ië'ajëjo. Jemë'o uehorovohëjo. Iro bunö'iraeromo osarebarovarue hesi bëhoho bogo hevö gagoroho o maratu ahariroho gurihi bamö'i va'orahorobamö'iro ëhuni barovarue höjo.

22 Èho naro uëromo ë'ajëjo: Nasi jöe rabe rabe gurihiro jiaje naehu jövaje hesibëhoho ma-va'orahoro jioröhego jövajëjo. O rabe rabe subivëhaje naehu uëvaje hesibëhoho ma-samaro jioröhego uëvajëjo.

23 Ae rahu ja God-are jö hejanue ae javë'oho bëhoho nahoromo birohönëjo.

24 Èhi uëngoromo uëvadeje: Nasi jö hejarujoho avo'avoho uehorovonövorëjo. Uehorema-bisemu bamë'oho ëhuro aji'e jöho ma-bisemu bae'a'arujëjo. O börömo bamë'ohuro

ëhuroböröme bae'a'arujëjo. Röhu gö'o döre börömo bëhe bae'a'arujëjo.
25 Aji'e jö javë'oho God-ro gö'o bojami'iramu bae'a'anujëjo. O bogojavë'oho
bisemubaejanoho God-ro ë uehoroho mu'uvaho'ajëjo.

I ujehu sa'are jioromo hesi ëma gurihiro rijaje uhu jöhoje.

26 Röhu Iesuro uhu jöe gö'o majëhiromo uëvadeje: I ujehu riromo raejajëhi God-
roböröme namiromo hesi öri ari'oho bövioho bise'oho ëhi muebejëvaje höjo. È jöho
naromajëhi'ie'ajëjo. Mu arijo'ohuro nani ujoho sa'are suovo ruruhö'öbe va'a'ajëjo.
27 Va'oromo vahiromo'iramu niavoromo sisonuvo'iramu ri'önövo'ajëjo. Èhi'obe va'iramüë
majae gemuore ujo suovo ruruhö'öjadohuro redijiomoromo ri'amo'ajëjo. Èhi'o'iramumu
arijo'ohuro ëho garomo dadivoromo uvo'a'ajëjo: Diehi'oromo ë'ajëjo.
28 Èhi uvo'a'ajëjo röhu hesi sa'aëro rihuoho bojamego i ujoho riromo inovoromomaho
raejaje höjo.
29 Maho raeromo mavego evare arijo'ohuro ma-burëro tarivoromo gagovoromo
avohobahijaje höjo ë hesi bëhoho ë gagovarue majaho rovë'ego.

Ijo hisue mustard-hu ëgovaje uhu jöhoje.

30 Röhu Iesuro jöe gö'o majëhiromo uëvadeje: God-hu böröme namiromo
muebejëvajeöroho naro uhu'e bu'öromo jemë'o na'o uehorovo'ejarejo.
31 Ijo hisu ihe mustard ujehu börömoriroho ëgovajëhi God-ro böröme namiromo aegö'o
gö'o ëhi gagovoromo muebejëvobe va'a'ajëjo. Mustard uje gemu sa'are öjë'irohobajo
ioro'ioro dinö'e dinö'e jio'amajoho ëho ma-jianovo'amo'i a'i ë mustard ujuhobiseharihe
höjo.
32 Èhi höjo röhu riromo ëgovoromo ijo hisu ioro'ioroho iosirami'amoromo ëho
börömoöhöjo. Börömoriroho adoho ëgovo'amego ugëro rueromo gavarue sanu mae
jiegorovo ijuohoë vae'amarue höjo. Èhi uëvadeje.
33 Èhi jië'e uhu jöho aho'obëhe Iesuro uëromo ëhuro hesi jöho majëhinövadeje.
Jabumëdiehi jië'e jö bae'iröhoho eni jëvë'oho ëhi jië'e jöhuremu majëhinövadeje.
34 Jöho bogo mae bogo samaroho majëhi'i ma-uhue gemu majëhinövadeje.
Majëhiromoröhu hu'o hesi ariböviohu'o jabesi sivue raromë'iroho jöho aho'o huruoho
majëhinövadeje.

Iesuhu uavamu jovo böröme ruhosöjade jöhoje.

35 Iesuro boat-re hiromo ëhi jië'e uhu jöho majëhinugoromo vö'öromamu gagorovohesi
aribövioho uëvadeje: Ruehego no aruhe e'u ioni gönö va'arëjo.
36 Va'arëjamu hegorovo ë Iesure ariböviohuro ae aho'obëhe ë rëmo'i Iesuhu hijajeboat-
re iojioromomo hu boat-re baeromo va'areje. Bava'amu boat ioro'ioroho ëhu'o gemumae
va'oruomadeje.
37 Va'amu buru böröme e'ure rovadeje. Bure rovamu jovohuro hasaromo boat-re
ronemoromo ruahoromo abueromo irijiomoromo diruvëvo'ie'adeje.
38 Diruvëvo'ia'amu gavë'i ijarajoho jaburo gavare Iesu mami'e boat dejonö
va'oraromoromo simano dövaejaruohuro simane dövaeromo niavë'e jiamu gagorovo
ioromo uavareje: Tisa no vuovavuo'ie'ajëjo. Na ja nosi jöënioho bogo uehorovanuëjo.
39 Uehorovanuëjamu Iesuro ri'öromo burohu'o hasajaje jovohu'o uëvadeje:
Vuonugohëjo. Vuonugohëjamu buroho ahö'ö'i jovoho u'uhoromo ma-jörume ruhijadeje.
40 Ma-jörume ruhijamu gagorovo hesi aribövioho uëvadeje: Jemë rabëni
juhuonivarujëjo. Urimë'i jemë bogo ma uehorovevobe rovarijoho na jemë jaruvohu'o ëhi
gemuoho ë'arujëjo.
41 Èhi gemuoho ë'arujëjamu sisë maro juhuonivoromo uarovareje: Ave aho diehi jië'ëae
höjo. Huhu uëvë'oho bogo aëremuoho ejaho'i burohu'o jovohu'o jabu'o hesi jöho
ejaharuehöjo.

5

Satan-are a sisë aho'obëhe ae gemu hesirire jioruomamu Iesuhu rarovö'ö'amade jöhoje.

1 Èhi'onugoromo jabu'o Iesu'o va'aroho va'o e'u ioni gönö Gerasene rajo jabesisa'are va'o
baboro bejareje.

- 2 Baboro bejambu gagorovo ae gemuëro guavo'amarue juju gagore jioromo rueromo Iesubirohadeje. Ë a hesi dëre Satan-are a sisëro abueruomamu simane huotorovë'e jiadeje.
- 3 Simane huotorovë'ëro guavo'amarue juju gago jio'amajire ë hinövadeje. Hi'egoaëro vajaëro ö'ëro rabëro tövo'ië'oromo gavare bogo eni jëvamu vuonugareje.
- 4 Urimoroho aëro vajaëro övore hörure tövo'ego övore ö'o'ho ruho tarivoromo hörurevajaho ano ahö'önövadeje. Ëhi'oromo vörö'irae'ego aehu guduamoromo hu'irae ro rõhorenugo'iröhoho bogo eni jëvonövadeje.
- 5 Majae vahie jö'e dadovë'i munëro anorovë'i guavaruire hinövo dahorure ajio hinövadeje.
- 6 Ëhi'onövë'ëro ë ahuro rori'o öri ëgoböviro namiromo Iesu garomo tutuvo rueromohesi bëhire ague aho hiromo
- 7 ma-darugo'o uvadeje: Iesu ja God dö mare hijaje a hesi Harihe javajëjo. Ja rabënisihusihuego'i rovane höjo. Na God-are nuniro uavajëjo: Nadi huë sisëho vi'ehoho bojëmëjo.
- 8 Vi'ehoho nadi bojëmijë uvade hesi bëhoho urimë'i Iesuro hu uvadeje: Aru'ahosisëho jero ë a hesi dëre hijanuoho vuonugo'i va'ëjo. Ëhi uavë'ego ëhuni uvadeje.
- 9 Ëhi uvamu hegorovo Iesuro uvadeje: Jasi ihoho rahuo höjo. Rahuo höjamu uvadeje:Nasi ihoho Siriehu Bimuvanovë'oho jevajëjo. Ë hesi bëhoho no aru'ahe aho'obëhe dërejavuë'ego ëhuni ëhi jumegë'e höjo.
- 10 Ëhi uaromo Iesu ua'i hijadeje: Aru'ahoho nadi uëvego jabumë ave sa'are jioromova'irarëjo.
- 11 Röhu mahe aho'obëhe aruhe dahoru ahore gemuoro gagovoromo ie ue'ahamu gagorovo
- 12 dëre sisë ariböviohuro Iesu uavareje: Uövuego no suorovo va'oromo aruhe mahujabesi dëre va'o abuejarëjo.
- 13 Abuejarëjamu uëvadeje: Ëhuro va'ohë uëvamu hejë'i ë sisë ariböviohuro ë a hesidëre jioromo suorovo va'oromo ruhe mahu jabesi dëre abueruomadeje. Abueruomamu ë mahohurova'o baradore rireromoromo e'ure siö ruruhö'ö va'oromo jove ue'ahoromo vuovadeje.Mahe aho'obëhe 2,000 rabu'e ëhi vuovo'amadeje.
- 14 Vuovamu gavë'i mahu muebe'amarue ariböviohuro huruomomomo amo börömore amo ininorejëho majëhibe va'areje. Jöho majëhijamu hejë'i ae aho'obëhe rueruomadeje ga'iro diehijiego.
- 15 Iesuro rueromo gavareje aru'aho sisëhu dëre jioromo suorovo va'oruomade ahosimanoho mae jio'ego niöge ba'amë'e hijamu. Urimoho ganövareje aru'aho sisë SiriehuBimuvanovë'ohuro hesi dëre jioruomë'e ëhi hi'ego röhu evare majare gavareje ma-maehijamu. Ëhi gagorovo juhuonivoruomadeje.
- 16 Juhuonivamu Iesuhu mu vaejamu gavare ariböviohuro uëvareje: Sisë ariböviehudëre abue'amade ahu'o mahohu'o ëhi jië'e muoho bihoruomohijajo.
- 17 Ëhi majëhijamu ae aho'obëhe heromo Iesu uavareje: Ave sa'aho vuonugo'i va'ëjo.
- 18 Vuonugo'i va'ëjamu Iesuro boat-re ajiomoromo sionëro vuonorö'ö va'ië'adeje.Va'ia'amu gavë'i aru'aho sisë hesirire jioromo suorovo va'oruomade ahuro Iesu uvadeje:Na ö'oromo ja'o hi'i negajëjo.
- 19 Negajëjamu Iesuro uvadeje: Bogo rue'a'anuëjo. Sionëro jasi amëro va'oromo jasiaganoho uënëjo: Badaro huë baejevoromo ëhi mabëhe ajemijamu rovode höjo.
- 20 Ëhi uavamu hegorovo rue ahuro va'oromo hesi sa'a ihoho Ame 10 Jio'amaje Sa'ahoë sa'are majëhibe juvoromo uënövadeje: Iesuro ëhi mabëhe ajemamu rovode höjo. Ëhimajëhijamu hegorovo ae aho'obëhe jöe barëjëvadeje.

Iesuhu magonahe niö'i Jairus-are abojohu'o magonahe gö'o ajëmade jöhoje.

- 21 Ëhi'amu Iesuro boat-re va'oromo anume e'u ioni gönö va'o ravo'amadeje. Ravo'amoromoe'u riröre namijamu ae aho'obëhe ruë numë gagovo rova'oromo ëhi riravareje.
- 22 Riravamu iae ae gemu hesi ihe Jairus-ro rovadeje. Jairus hu Jew rajehu God rajahijarueosa muebejaje ae jiadeje. Rueromo Iesu garomo hesi hörü bëhire ague aho hiromo
- 23 dinamiromo uvadeje: Bësu guomo'ië'ajëjo. Rueromo jasi övoho hesi sinoro bamegoi'ovoromo hijajo.
- 24 Hijajamu hegorovo Iesuro hu'o gemu mae va'adeje. Va'amu ae aho'obëhe

tatijiomobehu'o gemu mae ëhi va'oruomadeje.

25 Va'oruomamu iae magonahe gemuëro jabu'o va'adeje. Ë magonahoho manaero garorovadeguomo guomoho bogo barë'i ëhi jiemu jiobe va'adoho vadune aho'o 12 barëjê'e jiadeje.

26 Doctor aho'obëhe gëromo ëhuro vi'ehe sisë maro baenövadeje. Vi'ehe baeromo hesiijo baje bu'ö barë'i röhu bogo marë'i sisërëbe va'onövadeje.

27-28 Sisërëbe va'amu ë magonahohuro hejade uvoruomamu: Iesuro ae magonahe mabëheajamuijaje hö uvamu hejë'ëro uehorovoromo uvadeje: Na Iesu ma-niögohuremu rëhë'ohuroëhuro marëjevo'ajëromo ae aho'obëhe va'aruire ë va'oromo Iesuare dejonö rueromo niögohorëhadeje.

29 Niögohu rëhamu gavë'i magonahoho kö rovadoho ijoho bogo rovadeje. Ijoho bogorovamu magonahohuro herovadeje mae jiavamu.

30 Mae jiavamu Iesuro hejade a ajëmaje daruge gö hesirire jioromo va'ë'e jiavamuevare ma-burëro huotorovoromo ae aho'obëhe uëvadeje: Ja rahuaro nasi niögohu rëhanehöjo.

31 Rëhane höjamu hegorovo hesi ijorajoho jaburo uavareje: Ja'o iae gavanuëjo aeaho'obëhëro ja tatijiomavo'ego. Ëhi jië'oho ja rabëni uövuanuëjo: Ja rahuaro na rëhevanehöjo.

32 Ëhi uëvamu Iesuro arua anumiae uherihadeje ga'i di ahuro o di magonahohuro hurëhë'e jiego.

33 Uherihoromo gëvamu rue magonahohuro iae mae garomo uvadeje: Huro na ajemadëhu uvoromo juhuonivoromo butubutumoromo röhu ma-biririvoromo rueromo Iesuare hörubëhire ague aho hiromo diehi ë'ade jöho sama'e huruoho majahi barëjadeje.

34 Majahi barëjamu Iesuro uavadeje: Abojëjo. Jero na mae uehorovevamu ëhuro jamarëjavë'e höjo. Vaevë'e va'onëjo. Jasi guomo guomoho barëjavë'e jiaje ijönö mae jionëjo.

35 Iesuro ëhi uavamu gavë'i ae göëro göëro Jairus-are osare jioromo rueromo Jairusuavareje: Jasi abojoho mami'e guomë'e höjo. Ëhu'oho rabëni ja tisaho u'uoho bojamijanuëjo.

36 U'uoho bojamijanuëjamu hegorovo Iesuro he bogo hejanovë'e Jairus uavadeje: Nadijuhuonivo'i God mae uehorovonëjo.

37 Ëhi uanugoromo Peter James o James-are öe John ëho jaburo hu'o va'ojöro uë'ia ioro'ioroho nijio'iraejëvadeje.

38 Nijio'iraejëvonugoromo jaburo va'oromo Jairus-are osare rovareje. Rueromo Iesurogavadeje ae aho'obëhe gagovorovë'ëro garahörö'e baeromo ma-darugo'o nierusuburu'ebamoruomamu.

39 Ëhi'amu gagorovo osare va'oromo uëvadeje: Jemë rabëni garahörö'e baeromo nierusuburu'ebamarujëjo. Ë magonaho harihoho bogo guomo'i ma-niavajëjo.

40 Ma-niavajëjamu hegorovo rueho jaburo Iesu sivoromo ijo'ijahareje.

Ijo'ijahamugagorovo Iesuro ë aribövioho aho'obëhe amonö rarovö'öjëvonugoromo magonaho harihuhesi vëmu vavu'ohu'o hu'o rovare ae niö'i gemu jabu'o ëhi søjëgoromo magonaho harihehuraromaje osare va'adeje.

41 Osare va'oromo magonaho hesi övore ma'enoromo hesi jöëro uavadeje: Tarita kumajo.Ë jöho huotovë'oho ëho uaromo ë'adeje: Bësu naro ja uavajëjo: Ri'öjëjo.

42 Ri'öjëjamu hejë'i rue magonahohuro ma-burëro ri'öromo nami juvadeje hesi vadunohoa'obëhe 12 jië'ëro. Juvamu gavë'i ae aho'obëhe hu garomo tiöjëvadeje.

43 Tiöjëvamu gagorovo Iesuro ma-darugo'o uëvadeje: Naehu vaejode muoho nadi ahohuruohorëjo. Ëhi uënugoromo uëvadeje: Magonahoho ie bojamego ijajo.

6

Iesuare amo rajehu Iesu bijönimoruomade jöhoje.

1 Ëhi'onugoromo Iesuro va'adeje. Va'oromo hesi amëro rue'i hesi ijorajoho jaburohu'o gemu mae rovareje.

2 Rueruomoromo Jew rajo jabesi nuho majaho rovamu Iesuro God rajahjarue osareva'oromo God-are jö bëhoho röjëhijadeje. Röjëhijamu ae aho'obëhe heromo tiöjareje.Tiöromo uvoruomadeje: Ë iahuro jöho dinö'e hejë'ëro jövajëjo. Hu diehi'oromo ëhi jië'esimano maho baegade höjo. Darugo'e mu masijoho diehi'oromo vaejaje höjo.

3 Hu sarerivajëjo. Ma-ijo muemu vaejaje ae höjo. Hu Mary-are harihe höjo. Hu James-areJoses-are Judas-are Simon-are öe höjo. Hesi ma'ino ömo'ömoho aviae no'o gemu mae raromaruehöjo. Ëhi uvoruomoromo nue huodivareje.

4 Nue huodivamu gëgorovo Iesuro uëvadeje: Jö God-aro baeromo majëhijarue ariböviohodinö'e dinö'e va'ë'iroho aëro no mae uehorovavuarue höjo. A'i nosi sa'a rajoho aganohoosae gemuore raromaruoho jemëremu bogo ëhioho uehorovavuarue höjo.

5 Ëhi uëromu hu darugo'e mu vae'iröhoho bogo eni jjadeje. Huro guomo guomo'e aema-gemu gemu jabesi sinore hesi övoho bamëhoromo sinoho avohëvamu marëjëvadeje. Ëhemuë'adeje.

6 Röhu hesi amo rajehu hu bogo ma uehorovarohuni ëhuni tiöjadeje.

Iesuare ijoraje 12 jabuhu va'oromo mu vaeröhego Iesuhu rëmö'öjade jöhoje.

Ëhi'onugoromo va'adeje. Va'oromo amore amore jöho röjëhibe juvadeje.

7 Röjëhibe juvoromo hesi ijoraje 12-ho uëvadeje: Ruehëromu rovamu uëvadeje: Narojemë rëmö'ö'ie'ajëjo jemëro nasi jöho ae majëhibe jijihö'irarijego. Jemë ae niö'iniö'i ame göro göro va'orëjo. Jemëhu mu vae'irarijohuni nasi darugoho bojëmijajëjoëhuro jemëro Satan-are a sisë gö gö a dëre jio'amë'oho rarovö'ö'irarijego.

8 Röhu va'ie'iroho ma-guduodemu ujuohorëjo. Ioho esöho ijo bajoho bövioho bise'ohobogavëjo.

9 O höru guduoho io'amoromo niöge ma-gemu gemu io'amo'i nadi niö'i niö'ioho io'amorëjo.

10 Ëhi uënuogoromo uëvadeje: Amo göre göre va'oromo aehu di osare raromöjoro uëvamuva'o raromë'oho ëhuremu raromonövorëjo ijonö ë amore jioromo va'ie'e jëvaje.

11 O di amore ariböviehu jemesi örire nu huodëgoromo jö bogo ejëhë'oho amoho nugova'irögoru jabesi sa'a hesi tohotohe jemesi höru hitahire jiajoho sa'aro riremö va'egoë amo rajohuro garomo uvo'irarëjo: No sisë ë'ë'e javuajëjo.

12 Ëhi majëhijamu hegorovo ijorajo ömo'ömhuro va'oromo jöe majëhibe jijihoromouënövareje: Uehoro sisëho vuonugo'i uehoro mae baerëjo.

13 Ëhi jië'e jöho majëhibe Satan-are aribövi sisë aho'obëhe jabesi dëre jëvajokhorarövö'öbe ose guomo guomo'e a jabesi sinore otehoromo sinoho avohëvobe ëhi jië'emu masijoho vaebe jijihareje.

John bapataeto vaejaje a guomade jöhoje.

14 Ëhi jië'e mu masijoho vaebe jijihamu sa'a a böröme Herod-ro ë jöho hejadejerabëni Iesuhu ë'aje jöho ae aho'obëhe dinö'e dinö'e vaerovë'ëro jië'ëro. A ioro'iorohuorovuomadeje: Ë aho John bapataeto vaenövade ahuro guomoromo ri'öj'ë'e höjo. Ëhu'ërodarugo böröme baeromo mu masijoho vaejaje höjo.

15 A ioro'iorohuorovuomadeje: Iesu hu mami'e hijade ae Elijah-ro rovë'ëro ë'ajëjo. A ioro'iorohuorovuomadeje: Jö God-aro baeromo majëhinövare aribövi ioro'ioro jiarëhihu ëhi jië'e aëro jië'ëro ë'ajëjo.

16 Ae göëro göëro Iesuare jöho gö gö atavamu hegoro Herod-ro ae uëvadeje: Ë ahohu John höjo. Urimo naru hesi sönöho tarijahode höjo röhu hu guomoromo ri'öj'ë'ërohihajëjo.

17-18 Röhu ë jö hesi bëhoho urimë'i Herod-ro hesi öe Philip-are vabore hesi ihohoHerodias gohoniahijadeje. Gohoniahijamu John-ro ri'öromu ua'i hijadeje: Jasi vuojiiribaejanoho ëho bogo maehu höjo. Ëhi ua'i hijamu Herod-ro ë magonaho hesi jöëni ae uëvamuJohn guduamoromo tövoromo savoji gagore ba'amareje.

19 Ëhi'amu ë magonahohu John nue huodivoromo ano'i nimadeje. Ëhi nimoromo röhuHerod-ro magonahoho ahamu ano'ie'adoho vuonugadeje.

20 Herod-hu magonaho ahade hesi bëhoho huro uvadeje: John hu a ma-mabëhe hö uvoromöëhuni John juhuonamiromo avoho mueberomo magonahoho ahadeje. Magonahoho ahoromo va'oromohenövadeje John-ro God-are jöe majahi'ego. Jöe majahi'ego Herod-ro nurunurumo'egohesi jöho he'i nimonövadeje.

21 Ëhi'oromo John anojöëni magonahoho ahobe ruejuvo Herod rahade majaho rovamuevare magonahehu vae'i nimade majaho rovadeje. Ë hesi bëhoho Herod-ro söröe baeromohu ajamiromo ë sa'a muebejarue aribövioho muorovo mu muebejarue aribövioho a masijoioro'ioe Galilee sa'are raromaruoho ë a masijoho uëvadeje: Ruehego na söröe bojëmi'iröjo.Bojëmi'iröjamu rueruomadeje.

22 Rueruomamu ë magonaho hesi abojohuro rueromo javavadeje. Javavamu gagorovo Herod'ohesi örire rueruomade ariböviohu'o ë magonahoho garomo vuëvorovoruomadeje. VuëvorovoromoHerod-ro magonahoho uavadeje: Ja rabe rabe nimë'oho uevego bojami'iröjo.

23 Naehu muebejaje öri ari'o nimë'o ho iae ëhu'o ririre tarioromo vituoho bojami'ejöjo. God-ro ge'ego na mae uavajëjo.

24 Èhi uavamu ë magonahohuro va'oromo vëmohu uavadeje: Na rabe bae'ejöjo. Rabebae'ejöjamu rue vëmohuro uavadeje: Uanëjo bapataeto vaejaje ae John-are sönöho tarioromosimanoho baro bojemëjo.

25 Èhi uavamu hejë'i rue abojohuro ma-burëro vuonorö'ö rueromo a börömo uavadeje: Na negajoho avevejö'e ae uëvego bapataeto vaejaje ae John-are sönöho tarioromo simanohohevö döre bamoromo baro bojemarëjo.

26 Èhi uavamu hegorovo rue a börömo huë vavaene böröme baejadeje. Iae hu huëvavaene baejadeje röhu urimo darugo'e jöho ë aribövi jabesi nuniro ë magonahoho maeuavë'ëro ëhu'ëro huotorovoromo nijio'iraeröhoho hu bijönimadeje.

27 Bijönimamu evare ae gemu ma-burëro nugö'öromo uavadeje: Va'oromo John-are sönöhotarioromo simanoho baruenëjo. Baruenëjamu savoji gagore va'oromo sönöho tarioromosimanoho

28 hevöre bamonugoromo barueromo abojoho bojamadeje. Bojamamu huro bava'o vëmohobojamadeje.

29 Èhi'amu John-are ijore ijore jijiharue ariböviohuro ë jöho heromo rueromo sinohobava'oromo munë gagore bamareje.

Iesuhu ae aho'obëhe 5,000 da'uojëhade jöhoje.

30 Iesuar apostle ömo'ömhuro mu masije vaebe jijihë'ëro vuonorö'ö rueromo Iesuavareje: No muoho ëhi ëhi vaeromo jöho ëhi ëhi majëhiromo rovare höjo. Èhi jïë'ejöho jabumëro Iesu majahi barëjareje.

31 Majëhi barëjamu gagorovo ruehuro gavade ae aho'obëhe rovë'i va'ë'i rovë'i va'ë'ërohu'o hesi ariböviohu'o i ue'aho'iröhe o bövi bise'o vae'iröhe majaho bogojiamu gagorovuëvadeje: Ruehego no a rumo'e sa'are nosi sivue va'o raromoromo jemëro ëhuro ma-bisemunuhorëjo.

32 Èhi uënuoromo jaburo boat-re ajio raromoromo a rumo'e sa'are jabesi sivue va'iva'areje.

33 Va'i va'amu ae aho'obëhe gavare jabumë va'amu iae mae gëromo uvoruomadeje: Èaribövioho Iesumëro boat-re va'aruë uvoromo amo göre göre jioromo sa'a hörëro ma-burërova'oromo Iesu'o hesi ariböviohu'o boat-re va'aruoho iosirëmiromo jaburo jovo ionigönö urimo rueruomadeje.

34 Urimo rovamu Iesuro ijönö ro höröromo rav'amoromo gavade ae aho'obëhe tagavë'ejiamu gëgorovo uehorovoromo uvadeje: Vaevë'ëjo. È aribövioho vëmu vavu'o rumo'e ömahu'ëro raromanovaruë uvoromo jabesi jöëni vavaenimadeje. Jabesi jöëni vavaenimamuevare jöe aho'obëhe röjëhijadeje.

35 Jöe aho'obëhe röjëhijuvo majae beva'ia'amu gagorovo hesi ijorajo ömo'ömhurorueromo uavareje: Aveho a rumo'e sa'ae höjo. O majae mami'e barëjë'e höjo.

36 Èhuni ave aribövioho rëmö'öjogo ave bëhire amo masijore ininore va'oromo ieimo'amo'irarëjo ue'ahoröhe.

37 Ue'ahoröhe höjamu uëvadeje: Bogajo. Jemëro iruno'oho da'uojëhirëjo. Da'uojëhirëjamu uavareje: Asë'ëjo. Dinö'e ioho baeromo da'uojëhijöro uvanuëjo. Na ja uvoromo ë'anuëjo: No 200 kina javuë'ëro noro ëho bava'oromo bu'ö barëromo ioho imo'amoromo ujuoho rueromoëhuro da'uojëhi'ejarë uvoromo o diehi uvoromo jövanuëjo.

38 Jövanuëjamu uëvadeje: Ioho dimino'e jëvajëjo. Va'oromo gahëjo. Va'oromo gahëjamuva'oromo adaho garomo vuonorö'ö rueromo uavareje: No ie aho'obëhe övo gö mine o visueniö'i ëhi javuajëjo.

39 Èhi uëvamu hegorovo ruehuro ae aho'obëhe uëvadeje: Va'oromo hahagu hahagu gagovoromoëhi garasihuro raromobe va'ohëjo.

40 Va'ohëjamu rue ariböviohuro va'oromo ë 50 50 o 100 100 hahagu hahagu gagovoromoëhi garasi rövë'e mabëhire raromobe va'areje.

41 Raromobe va'amu gagorovo ie övo gö mine visue niö'i ujuoho rovaroho ëho Iesurujuohoromo ö'idöho sioroho garomo God huë mae uavadeje. Huë mae uanugoromo ioho ato'atovoromohesi ijorajo ömo'ömhoro i'imëmijadeje ae aho'obëhe suvuorëmijöro. Èhi'oromo visue niö'itaritarivoromo i'imëmijadeje jaburo ëhu'o suvuorëmijöro.

42 Èhi'amu ae aho'obëhe ë ioho visuoho ue'ahamu da'uëgadeje.

43 Da'uëgamu gagorovo ijorajoho jaburo i vitu vituoho visu vitu vituoho aegamuesöe aho'obëhe 12 irijiom'amadeje.

44 Ĕhi'areje. Iesuro ie övo gö mine visue niö'i ujuohoromo suvuorëmijamu ama'eaho'obëhe 5,000 ë ioho ue'ahoruomadeje.

Iesuhu e'u döre hörehu va'ade jöhoje.

45 Ĕhi'amu gavë'i Iesuro ijorajo ömo'ömoho uëvadeje: Boat-oro ajio raromoromo e'uioni gönö Bethsaida amoro urimo va'ohego na a ioro'ioroho rëmö'öjöjo.

46 Ĕhi uëvamu hegorovo hesi ijorajoho jaburo boat-re iojiomoromo va'oruomamu Iesuroparie vae'i dahorunö ajiomadeje.

47 Ajiomoromo parie vaejumu vahiromadeje. Vahiromamu nume ijorajoho jaburo öriëgoböviro jovo döre va'oruomo'i Iesuro ruhe sa'are hesi sivue hijadeje.

48 Hi'i gavadeje burëro jabesi nuninö rue'ego ijorajoho jaburo jovoho sisë'i sisë'ihuo'öbe va'oruomamu. Ĕhi'ojuvo sisonuvo'ië'adeje. Sisonuvo'ia'amu Iesuro abueromojovo döre hörëro va'adeje. Va'oromo jabumë iosirëmi'ië'adeje.

49-50 Iosirëmi'ia'amu ijorajoho jaburo gavareje hu jovo döre juvamu gagorovo uvareje: Aru'ahëro juvajëromo jiodudu'iraeromo jö'e dadovareje. Jö'e dadovamu hejë'i uëvadeje: Nadi juhuonivo'i biririvohëjo. Na jevajëjo.

51 Na jevajë uëngoromo boat gagore ajiomoromo jabu'o gemu mae hijamu buroho barëjadeje. Buroho barëjamu ë aribövioho dadivëvadeje.

52 Ĕ hesi bëhoho Iesuhu mami'e i da'uojëhade hesi bëhoho bogo avoho baejareje jabesiuehoroho bogo eni jië'ëro.

Iesuhu Gennesaret sa'are hiromo guomo guomo aribövi ajëmade jöhoje.

53 Ĕhi'amu e'u ioni gönö rueromo Gennesaret sa'are ravo'amoromo boat-oho ijo bunorebe nugareje.

54 Röhu ravo'amamu gavë'i evare ae aho'obëhe Iesu garomo uvoruomadeje: Iae Iesuhö uvoromo

55 ë sa'ae börömoho ma-burëro jijihoromo aevoromo guomo guomo'e aribövioho giojimoujuoho rueromo henövere uvavo'ego: Iesu ë dirö'ore hijajë'ego ë va'onövareje.

56 Iesuhu amo masijore ininore o dinö'e dinö'e rovë'iroho guomo guomo'e ariböviohogiojimo ujuohoromo aehu gagovarue öri ari'ere ë ro bahinövareje.

Bahinugoromo Iesuëninamiromo uanövareje: Guomo guomo'e aribövioho uëvego ja niögu vituohuremu rëhegoëhuro guomo guomoho barë'amajo. Ĕhi ua'ego ae rahu niögu rëhë'oho ëhuro marë'amonövadeje.

7

Pharisee ariböviehu God-are jö bogo avoho uehorovo'i jabesi a mami jö böröme hö uehorovare jöhoje.

1 Iae Pharisee ariböviohuro Jew rajo jögoru öri röjëhijarue ariböviohuro urimo Jerusalem jioromo rovë'ëro jië'ëro Iesu jiajire ro gagovorouomadeje.

2 Gagovoromo gavareje Iesuarie ijorajo ömo'ömohuro Pharisee rajo jabesi jögorohoahoromo jovoho övoho bogo otehodivorovoromo sisëho u'ovë'e ioho ma-ue'ahamu.

3 Ĕ hesi bëhoho Pharisee ariböviohu'o Jew rajo a ioro'iorohu'o ioho bogo ëma ue'aharueje. A'i urimo Jew rajo a mamiehu jö bojëmibe rovarëhi ëhi'oromo jovëro övoho otehodivorovoromouvoruomajeje: Nosi sinore sisëho u'ovahuë'ëro God-are nunire mae javuajëromo evareioho ue'aharueje.

4 O i imo'amarue öri ari'ere jioromo ujuoho rovë'iroho uvoruomajeje: Sisë höromojovëro otehodivoromo u'o'amoromo uvoruomajeje: Avevejö'oho ë ioho iae mae u'ovë'ehöromo evare ue'aharueje. Ĕhi'oromo a mami ariböviehu bojëmibe rovarë jögoroho aho'obëhejabumëro ejëhoromo enatue ramae gö gö [i ijarue röhe] ëhi u'o'amoromo uvoruomajeje: Ĕ inömo inömo hesi sisëho u'o barë'ego God nimorohajëjo. Ĕhi'arueje.

5 Ĕhi'aruëro jië'ëro ë Pharisee ariböviohu'o Jew rajo jögoru öri röjëhijarue ariböviohu'ori'öromo Iesu uavareje: Jasi ijorajo ömo'ömoho a mamiehu bojëmibe rovarë jöho bogoromo jovoho övoho bogo otehodivorovë'e ioho ma-ue'aharue höjo. Rabëni ëhioho ë'aruehöjo.

6 Ĕhi uavamu hegorovo Iesuro uëvadeje: Sareri sareri'e aribövie jëvajëjo. Jö God-arobaeromo majëhijade ae Isaiah-ro jemëhu ë'irarije jöho jajivoromo ëhi uvë'e höjo:

Ave ariböviohuro ma-jö'ëremu God na rajehi'i
dë vövöbajo'oho bogo nasi gemuoroho jio'i ma-rori'o jioruomajëjo.

7 Jabumë a jabesi jögoroho ae röjëhiromo uëruomaje höjo: Ëho God-are jöe
jiajeejahuorëjo.

Ma-a jabesi jögoroho ëhi röjëhiromo ëhuro ma-döhemu God na rajehiruomaje
höjo.

Ë jemesi jö Isaiah-hu jajivadoho iae mae höjo.

8 God-hu bojëmade jögoroho jemëro vuonugo'i aehu bojëmibe rovere jögorohemu
ma'ënarujehöjo.

9 Ëhi uënuogoromo uëvadeje: Sareri'e uehoroho baeromo ëhuro God-hu bojëmade
jöhoaharuje höjo jemëhu a bojëmijaruje jögoroho ma'ëno'irarijëro.

10 Ë hesi bëhoho Moses-ro uëvade höjo: Jasi vëmu vavu'oho mae uehorovëvonëjo. Ojöö
gö'o uëvade höjo: Ae rahu jö sisë jövoromo vëmu o vavu hesi iho ijumahë'oho
anegoguomo'irajo.

11 Röhu jemëro ë jöho ahoromo ae röjëhiromo uëvaruje höjo: Jaehu jasi vëmu
vavu'oGod-are nunire uëvë'oho: Nasi maho sisëho ujuohoromo ajëmi'ibejodoho röhu
aveho naGod-are ihoro bamë'e jevajë uëvë'oho

12 nadi röhu maho huotorovoromo jasi vëmu vavu'oho ajëminëjo. Ajëmi'ë'oho sisëhöjo.
Ëhi uëvaruje höjo.

13 Vëmu vavu'o ajëmi'ë'oho sisë hö uëvarujohuro ëhuro vëmu vavu'o mae
uehorovëvo'irarijegoGod-hu bojëmade jöho jemëro aharuje höjo jemesi a mami jöho
e'irovo. Ëhi jië'e musisëho aho'obëhe röjëhijaruje höjo.

Bogo i ijaruohuro a'i uehoro sisë baejaruohuro ëhuro God-are nunire sisërejvauaje jöhoje.

14 Iesuro ëhi uënuogoromo ae aho'obëhe röhu maho uëvadeje: Ro gemuoro
gagovohëromoro gagovamu uëvadeje: Naehu ave uhu jö uë'ië'ajoho jemë ae aho'obëhe
avoho heromobëhoho baerëjo.

15 Rabe rori'o jiajehu jö'ore va'ë'oho bogo ëhuro aho sisë'ë'amo'i a'i rabe dövövöbajo'ere
jioromo suorovë'ohuro ëhuro aho sisë'ë'amaje höjo.

16 [Ae rahu ja God-are jö hejanue ae javë'oho bëhoho nahoromo birohonëjo.]

17 Ëhi majëhinugoromo Iesuro ae aho'obëhe rëmo'i osare va'adeje. Osare va'amu
hesijorajoho jaburo uavareje: Uhu jö majahuijane hesi bëhoho huruohego no hejarëjo.

18 Hejarëjamu Iesuro uëvadeje: Ëhi jië'oho na jemë'ohuro uehoroho bogojëvajëjo. Jemërabëni
bogo garomo uvarujëjo: Rabe rori'o jiajehu jö'ore va'ë'oho bogo ëhuro aho
sisë'ë'amajehöjo.

19 Ë hesi bëhoho rabe jö'ore va'ë'oho vövöbajo'eroho bogo abue'i dëre abuejajehöjo. Dëre
abueromo dëre jioromo suorovoromo bogo aho ijumëvë'e ma-gua gagore va'ajehöjo.

Ëhu'ëro aho God-are nuniroho bogo sisë'ë'amaje höjo. Iesuhu ëhi jövadoho hurouöromo
ë'adeje: Jaruvoho ie aho'o ma-ue'ahë'oho God-ro uvaje höjo: Iae mae höjo.

20 Röhu Iesuro hesi jö vituoho majëhiromo uëvadeje: I ue'ahë'ohuro bogo ëhuro
ahosisë'ë'amo'i a'i dë dövöbajo'ere jioromo rojomoromo suorovë'ohuro ëhuro aho God-
arenuniroho sisë'ë'amaje höjo.

21 Uehoro sisëhuro dë dövöbajo'ere jioromo rojomego ëhuro öëro jijihanovoruomajehöjo.
Vajiohëro ujuohoruomaje höjo. Ae muo'amoruomaje höjo.

22 Goho'amoruomaje höjo. A jabesiroho ujuohoniëhi'i ganiganimoruomaje höjo. Musisë
rabe rabe vaeruomaje höjo. Ae gö sarerëmiruomaje höjo. A nunire javoji'e
muohovaeruomaje höjo. A jabesi mu mahuni dë vörönëgaje höjo. A jabesi ihoho
ijumoruomajehöjo. Sivue uehorovoromo jabesi ihoho döro bamoruomaje höjo. Simane
sisë'i uehorovoromuomajehöjo.

23 Ëhi jië'e uehoro sisë aho'obëhe dë dövöbajo'ere jioromo rojomoromo
suorovajohuroëhuro aho God-are nunire sisë'ë'amaje höjo.

Israel rajo bogo a'i sa'a gö rajo magonahehu Iesu mae uehorovade jöhoje.

24 Ëhi'onugoromo Iesuro ri'öromo ë Jew rajo jabesi sa'aho vuonugo'i va'adoho va'osa'a
göre Tyre amo Sidon amo jiajinö sa'are ë rovadeje. Ruenugoromo osare
va'oromouëvadeje: Naehu ave rovodoho nadi huruohorëjo. Ëhi uëvadeje röhu hesi ihoho ë
sa'arohobörömëro jië'ëro hu rovadoho bogo a subivëho varijënoho jiadeje.

25 Èhu'ëro jië'ëro magonahe gemuëro ma-burëro hejadeje uvavamu: Iesu rovë'e höjo.È magonahoho aboje gemu bise'e jiadeje. Satan-are a sisëro è aboji hesi dëre abueromosimano huotovahë'e jiadeje. Hesi abojoho èhi jië'ëro è magonahohuro hejade uvavamu:Iesu rovë'e hö uvavamu hegoroovo rueromo Iesuare höru bëhire ague aho hijadeje.

26 Röhu è magonahoho hu bogo Jew rajo magonahehu jioromo bogo Jew rajo jöehu jövajemagonahehu jio'i a'i hesi sa'a börömo Syria jio'i hesi sa'a bise'oho Phoenicia jiadeje.Hu bogo Jew rajoho jië'e Iesu ëninamiromo uavadeje: Ajemiromo a sisë nasi aboji hesirirejiajoho rarovö'öjogo va'irajo.

27 Rarovö'öjogo va'irajamu Iesuro uehorovoromo uvadeje: Vëmu vavu'ehu jabetesi abojiharihu'o urimo ajëmijaruëhi naro nasi sa'a rajohemu èhi urimo ajëmi'i rovode höjo.Èhi uvoromo è sa'a gö rajo magonahoho uhu'e uavadeje: O-ajo. Nadi'ego urimo abojiharihu'oho ie da'uojëhi'iröjo. È hesi bëhoho noehu aboji harihu'o jabetesi i ujuohoromoö harihu mio'amë'oho èho bogo maehu höjo.

28 Bogo maehu höjamu hegoroovo rue magonahohuro uehorovoromo uvadeje: Iae na bisemuioniro sa'a gö raje jevo'ego èhuni bogo ajemi'i jöho jövajëjo. Röhu noehu bogo rarovegoöehu i ugobajo'o ue'aharuëhi nani Iesuro na'o èhi ejehoromo nasi abojoho ajami'ajëjo.Èhi uvoromo mana uhu'e uavadeje: Bada iae mae-ëjo röhu i maratu aharire ramararueöho jabumëro aboji harihu'o jabetesi i ugobajo'oho iae ue'aharue höjo.

29 Ue'aharue höjamu Iesuro uavadeje: Iae mae uevanuëjo. Èhuni va'onëjo. A sisëhojasi aboji hesi dëre jioromo iae mami'e höröromo va'ë'e höjo.

30 Èhi uëvamu hegoroovo rue magonahohuro vuonorö'öromo hesi osare va'oromo gavadejea sisëho mami'e hörö va'i abojoho rõhore raromamu.

Ae gemu hesi hia'e tugohoromo bitare tövë'e jiamu Iesuhu ajamade jöhoje.

31 Èhi'amu Iesuro Tyre amonö jioromo va'oromo Sidon amonö rova'adoho va'o sa'aihe Ame 10 Jio'amaje Sa'are è va'oromo nume Galilee e'ure ruvebijadeje.

32 Ruvebijamu gagorovo aëro ae gemu hu'irae baeromo rovereje. È a hesi hia'ohotugohë'e o jöho a'o'a'ohë'e jövë'e ae jiadeje. È aho hu'irae baeromo rueromo Iesüëninamiromo uavareje: Jasi övoho hesi sinoro bamego hu mae jiajo.

33 Èhi uavamu Iesuro hu'irae baeromo ae aho'obëhe riravaruire jioromo va'oromojabesi sivue rirarovoromo hesi övo namoho niö'i è a hesi hia'i gagore rëmö'öjadeje.Rëmö'öromo jijönugoromo sabëro öromo è a hesi bitaroho rëhahadeje.

34 Bitaroho rëhahonugoromo ö'idöho sioroho garomo è ahuni hara'uoromo hesi jöërouavadeje: Epatajo. È hesi bëhoho huotovë'oho: Hia'e dadovo'amëjo.

35 Èhi uavamu gavë'i è a hesi hia'oho dadovaho'i bitaroho marëromo jöho avoho jövadeje.

36 Jöho avoho jövamu Iesuro ae aho'obëhe uëvadeje: Naehu mu vaejodoho nadi ahomajëhirëjo. Iesuhu nijio'iraejëvo'i hijadoho bogo ejahoruomo'i ae ëma majëhibe va'areje.

37 Röhu ae aho'obëhe Iesuare muoho garomo tiöruomadeje. Tiöromo uvoruomadeje: Muebövie bise'e ma-mabëhe vaejë'e höjo. Mu masije gö gö vaeromo röhu hia'i tugohë'e bitarotövë'e aribövioho jabu'o avohëvego marë'amoromo jöe heromo jöe atarue höjo.

8

Iesuhu ae aho'obëhe 4,000 i da'uojëhade jöhoje.

1 Èhi'amu ae aho'obëhe röhu maho gagovë'ëro ie bogojëvadeje. Ie bogojëvamu gagorovoIesuro hesi ijorajo ömo'ömo uëvadeje: Ruehë uëromo rovamu uëvadeje:

2 Ave ariböviohuni vavaenegajëjo. Jabumë na'o raromobe rovaroho majae niö'i gemubarëjë'ëro èhu'ëro i ue'aho'iröhoho bogohöjo.

3 Naehu ma-dë gagëremu rëmö'öjamu jabetesirëro va'ë'oho nune öri'amobe va'oruomo'ajëjojabumë ae gö gö öre ëgoro rueruomë'ëro jië'ëro.

4 Èhi uëvamu rue ijorajoho jaburo uavareje: Röhu diehi'oromo è aribövioho iohoda'uojëhi'ëjarëjo. Aveho a rumo'e sa'ae höjo.

5 A rumo'e sa'ae höjamu uëvadeje: Ioho dimino'e jëvajëjo. Dimino'e jëvajëjamu uavareje:Ie övo gö mine övo göre niö'i javuajëjo.

6 Èhi uavamu hegoroovo Iesuro ae aho'obëhe uëvadeje: Sa'aro raromohëjo. Raromohëromoie övo gö mine övo göre niö'i ujuoho rovaroho èho Iesuro ujuohoromo God huë mae uaromoato'atovoromo hesi ijorajo ömo'ömo i'imëmijadeje jaburo suvuorëmijöro. I'imëmamuujuohoromo ae aho'obëhe suvuorëmijareje.

7 Ĕhi'o'i visu inine ma-gemu gemu Iesuare ijarahoj abesirire jiadeje. Jėvamu Iesurujuohoromo God huė mae uanugoromo hesi aribėvioho uėvadeje: Ave visuohu'o suvuorėmibeve'ohėjo.

8 Ĕhi ě'ė'ėro ae aho'obėhe ě ioho ue'ahamu da'uėgadeje. Da'uėgamu gagorovo ijarahohojaburo i vitu vituoho gagovoromo esėe ovo gė mine ovo gėre niė'i aegamu irijiom'o'amadeje.Ĕhi'areje.

9 Rėhu ě i visu ue'ahare aribėvioho aho'obėhe 4,000 rabu'e jiadeje. Ue'ahoromoIesuro rėmė'ėjamu va'oruomadeje.

10 Va'amu gavė'i Iesuro hesi ijarahoj omo'ėmohu'o gemu mae boat-re ajiomoromo Dalmanuthasa'are va'adeje.

Pharisee aribėviehu Iesu bogo ma uehorovoromo huhu darugo'e mu vaejėro dinamare jėhoje.

11 Ĕhi'amu iae Pharisee aribėviohuro rueromo Iesu jė aho'ahamijareje. Jė aho'ahamiromoi Iesu bijioho ga'i nimareje ga'i hu guaro beve'ego. Ĕhi nimoromo Iesu uavareje: God-aredarugoho baeromo bogo gavarue muoho rėjahuijego no gavarėjo huro ja ajamego muohovaejanue javego o bogo.

12 Ĕhi uėvamu hegorovo dė vėvėbajo'o uhure sisė maro vavaenimoromo hara'uoromouėvadeje: Ave jaruvore raromaruje aribėvioho jemė rabėni bogo gavarue muoho ga'i nimarujėjo.Na God-are ae jevego ga'i nadi ěhioho uehėjo. Ave jėho na jė mae majėhi'i'ė'ajėjo.Ave jaruvore raromaruje aribėvioho ěhi ji'ė darugo'e muoho bogo mae bogo ga'a'arujėjo.

13 Ĕhi uėnugoromo rėmė'ė'i Iesumėro va'oromo boat-re iojiomoromo jovo e'u ionigėnė va'i va'areje.

Pharisee aribėvi o Herod-are aribėvi jabesi i dė huaje oso hesi uhu jėhoje.

14 Va'oromo hesi ijarahoho jaburo rumonėgamu iruno'oho bogo gė'oho ujuoh'ė jiareje.Ioho ma-bisemu urimo jiadohemu ěhuremu boat-re jėvadeje.

15 Ie ma-bisemu jėvamu Iesuro uhu'e uėvadeje: Jemėro gavė'iajo. Pharisee aribėvijabesi o Herod-are i dė huo'amaje osohuro jemesirire rumorovo'ajėjo.

16 Rumorovo'ajėjamu rueho jaburo ě jėho mevoromo uarovareje: No ie bogojavuo'egoėhuni jėvajėjo.

17 Ĕhi uarovamu Iesuro gėromo uvadeje: Jabumė ě jėho ataruėromo uėvadeje: Jemėrabėni i bogojavuaje jėho atarujėjo. Jemė rabėni avevej'ė'ohu'o bogo gavarujėjo. Orabėni bogo uehorovarujėjo. Na mu ma hesi uehoroho bogojėv'ė'ero ěhu'ėro bogo gavarujėjo.

18 Jemė nuni'e hia'i'e jėvajėjo. Rėhu rabėni bogo garomo bogo hejarujėjo. Jemėrabėni ave jė hesi bėhoho bogo uehorovarujėjo.

19 Naehu ie ovo gė mine ujuohoromo ato'atovoromo ae aho'obėhe 5,000 i'imėmodohojemė ě i vitu vituoho aegamu esėe dimino'e irijiom'o'amade hėjo. Uėvareje: Esėe aho'obėhe12 irijiom'o'amade hėjo.

20 Ĕhi uavamu uėvadeje: O naehu ie ovo gė mine ovo gėre niė'i ato'atovoromo aeaho'obėhe 4,000 i'imėmodoho jemė ě i vitu vituoho aegamu esėe dimino'e irijiom'o'amadehėjo. Uavareje: Esėe aho'obėhe ovo gė mine ovo gėre niė'i ěhi irijiom'o'amade hėjo.

21 Irijiom'o'amade hėjamu uėvadeje: Urimo nasi mu bėhi bogo gavarijoho jaruvohu'ojemė rabėni bogo avoho gevaruje hėjo na diehi ji'ė ae jevajoho.

Iesuhu nuni sis'ė a ajamamu ěri ari'o ma-bisemu ma'e ma'e garomo rėhu maho ajamamu avoho ga barėjade jėhoje.

22 Ĕhi'onugoromo Iesu'o hesi ijarahoj omo'ėmohu'o ěho jaburo Bethsaida amore rovaraje.Rovamu aėro nuni sis'ė ae gemu hu'irae baeromo rovaraje. Barueromo Iesu ěninamiromouavareje: Ave iaho rėhego nunoho marėjajo.

23 Marėjajamu Iesuro nuni sis'ė a hesi ěvore ma'enoromo amore jioromo hu'iraebaeromo va'adeje. Hu'irae baeromo va'oromo ě a hesi nunoho sabėro ědivoromo ěvohonunire bamėvoromo uavadeje: Na ja uherihoromo bėvioho bise'oho gavanuėjo.

24 Gavanuėjamu ruehuro nigerohoromo garomo uavadeje: Na sis'ė'i gavajėjo ae jijihoi'rėhu jabesi nu ano'oho ijo va'ėne jio'amo'ego.

25 Ĕhi uėvamu ruehuro ěvoho nunire rėhu maho bamėvadeje. Bamėvamu rėhu maho uherihoromoavoho garomo bėvie bise'ė aho'o ma-mae ga'amadeje.

26 Ma-mae ga'amamu uavadeje: Nadi arue amoho vuonorö'ö va'i o öre gö öre göho va'ima-ahorirëro jasi osaëro va'ëjo.

Iesu hu ëhi jië'e ae jiaje jö Peter-hu jövade jöhoje.

27 Ëhi ë'ë'ëro Iesu'o hesi ijorajo ömo'ömohu'o va'areje. Va'oromo Caesarea Philippiamo börömo jiajinö amore amore suorovo'i iojomareje. Örire iojomë'i Iesuro uëvadeje:Na rahuo jevaje jöho ae aho'obëhe diehi atoromaje höjo.

28 Diehi atoromaje höjamu uavareje: A ioro'iorohuro uvoromaje höjo: Ja John bapataetovaejavuonövane ahuro rovë'e javajëjo. A ioro'iorohuro uvoromaje höjo: Ja Elijah-rorovë'e javajëjo. A ioro'iorohuro uvoromaje höjo: Mami gö'e jö God-aro baeromo majëhinövarijohuroröhu jero gemuëro rovë'e javajëjo.

29 Ëhi uavamu hegorovo Iesuro uëvadeje: Röhu jemë nasi jöho diehi ataruje höjo.Diehi ataruje höjamu Peter-ro ri'öromo uavadeje: Ja böröme namiromo ajamuijanue ahojavajëjo.

30 Javajëjamu uëvadeje: Ë jöho nadi aho huruoho majëhirëjo.

Iesuhu huë vavaeni baeromo guomoröhe jö jövadohoje.

31 Ëhi'onugoromo Iesuro aevoromo hesi ijorajo ömo'ömoho röjëhiromo uëvadeje: God-roëhi bamë'ëro ëhu'ëro hesi A Maho naro vi'ehe huë vavaene bövie bise'e bae'ejöjo. Jewrajo a duvaho ömo'ömoho priest masijoho jögoru öri röjëhijarue aribövioho ëho jaburona bijönegoruumo'ajëjo. Bijönegoruumo'iramu aëro anego'iramu guomevo'ajëjo. Guomoromomajae niö'i gemu hesi uhure i'ovoromo ri'ö'ejöjo.

32 Ë jöho Iesuro bogo subivëho'i ma-sama'e röjëhijadeje. Röjëhijamu Peter-ro Iesurori'o hu'irae bava'oromo uavadeje: Ëhi jië'e jöho nadi jövëjo.

33 Nadi jövëjamu Iesuro huotorovoromo hesi ijorajo ömo'ömoho gëromo Peter uavadeje:Satan rori'o va'ëjo. God-hu uehorovajëhioho ja bogo ëhioho uehorovo'i ma-aehu uehorovaruëhijero ëhi uehorovoromo ëhuni ë jöho jövanuëjo.

34 Ëhi uënuogoromo Iesuro hesi ijorajo ömo'ömohu'o a ioro'ioroho aho'obëhe ëhu'ouëvadeje: Ruehë uëromo rovamu uëvadeje: Ae rahuaro nasi ijore ijore jijiho'i nimë'ohojasi sinehu nimajoho nadi uehorovo'i uvonëjo: Iesuarë jöëni vi'ehe huë vavaene javojerabe baeromo guomevë'oho iae hesi hö uvoromo korosi hesi i'uoho banigojioanovoromonasi ijoro ijoro juvonövonëjo.

35 Ja jasi sinohuni uehorovoromo biririvoromo ave sa'are hi'i ëhemu uehorovë'ohojonöho guomo öriro va'a'anuëjo. O ja nasi jöëni o nasi jö ma hesi jöëni guomë'ohojonöho maro hi'a'anuëjo.

36 Jaehu are jove sa'ae mae sisë aho'obëhe bae barë'i röhu jasi arijo'arije ijumorovë'ohona ja ëhuro mae javo'ajëjo. Bogajo.

37 Arijo'arije ijumorovë'oho diehi röhu maho avohorovo'iramu mae javo'ajëjo. Örebogohöjo.

38 Ë hesi bëhoho ave jaruvore raromarue aribövioho sisë ariböviëro jioruomë'ërobogo God gemu uehorovo'i mue gö gö uehorovoruumaje höjo. Jabumë ae rahu nasi jöënio naehu majëhijaje jö hesi jöhuni javojëgë'oho u'emu God-are A Maho naro maemu jië'eanera ömo'ömohu'o nasi Vavu hesi ajohu'o rue'iramu evare nani javojimoruomade ariböviohunijavojëgo'ajëjo.

9

1 Ëhi uënuogoromo uëvadeje: Ave jöho na jö mae uë'ië'ajëjo. Jemë a ioro'iore averiravarujoho bogo vuovë'e raromoromo ga'a'arujëjo God-hu böröme namiromo hesi darugehumuebejaje ajoho rue'iramu.

Iesuarë nu ano'ehu ajivoromo gorosovade jöhoje.

2 Ëhi'oromo majae aho'obëhe övo gö mine övo göre gemu barëjamu Iesuro Peter JamesJohn ëhi söromo dahoru ëgobövire ajiomoromo jabesi sivue hahagu raromareje. Raromoromö ijorajoho jaburo gavareje Iesuarë sino haho'e gorosovoromo

3 niögoho ajivo avohamu. Sa'are raromarue aribövioho noro niöge u'o'ibejo bogoëhioho ajivo'ibejo. Iesuarë niögohuro ëhi ajivamu gavareje.

4 Ëhi ga'i gavareje a mami ae niö'i Elijah'o Moses'o ëma jëvoromo jabu'o Iesu'ojöe atoruumamu.

5 Jöe atamu gëgorovo Peter-ro Iesu uavadeje: Tisa no ave raromaruoho iae mae höjo. Uövuego no javu harihe niö'i gemu vae'amarëjo jani gemu Moses-ni gemu Elijah-ni gemu.

6 Peter-hu ëhi uavade hesi bëhoho Peter James John ëho jaburo sisë maro juhuonirovë'ërojö ma diehi jövo'iröhoho Peter dadivamu ëhuni ëhi jövadeje.

7 Ëhi jövoromo Iesuare ijorajoho jaburo gavare suehuro Iesumë aegëhamu gagorovohejareje sue uhure uvavamu: Ave aho nasi Harihu mabëhe höjo. Huhu jövaje jöho avohoherejo.

8 Ëhi uvamu hejë'i Iesuare ijorajoho jaburo ruaroho numiaroho uheriho'i gavareje Moses'o Elijah'o bogojëvo'i Iesuro gemuëro ë jabesi bëhire namijamu.

9 Ëhi'oromo dahorure ruvebijë'i Iesuro uëvadeje: Jemëhu gavarijoho nadi aho huruohomajëhirëjo. U'emu God-are A Maho naro guomoromo ri'öjego evaro majëhirëjo.

10 Ëhi uëvamu rue ijorajoho jaburo iae ejahoromo Iesu gorosovamu gavare jöho subivëhobeve'areje. Röhu jabesi sivue atoromo uarovareje: Guomoromo ri'ö'iröhëro uövuaje jöhesi bëhoho rabe höjo.

John bapataeto vaejaje aehu rovadoho ëho Elijah-hu rovanovade jöhoje.

11 Ëhi uarovoromo jabumëro Iesu uavareje: Jew rajo nosi jögoru öri röjahuijarueariböviohuro uövuarue höjo: God-are a börömo bogo ëma rue'i hu rue'ie'iroho a mamiae Elijah God-arire va'aduhuro vuonorö'ö rue'a'ajëjo. Rue'iramu God-are a börömohojore rue'a'ajëjo. Jögoru öri röjahuijarue aribövioho rabëni ë jöho majahuijarue höjo.

12 Rabëni majahuijarue höjamu Iesuro uëvadeje: Io'ajo. Elijah-hu urimo rueromobövi bise'o avoho'amo'iröhe jöho iae mae-ëjo. Röhu ave jöhu'o God-are surire jajivoromouvë'e höjo: Aëro God-are A Maho nöro nue huodivoromo sisë vae'iramu vi'ehe huë vavaenëbövie bise'e bae'a'ajëjo. Ëhi jajivë'e höjo. Ë jöho bogo ëma jajivo'i iae mae jajivarehöjo.

13 Röhu naro ave jöho jemë uhu'e uë'ie'ajëjo. Hehëjo. Elijah iae mami'e öre avoho'irovade höjo. Rovamu jaburo diehi nimarëhi ëhi hesi örire sisë vaeruomade höjo. Ëhië'iröhe jöhu'o God-are surire jajivë'e höjo.

Iesuhu Satan-are a sisë aharihu hesi dëre jiamu rarovö'öjade jöhoje.

14 Ëhi uëngoromo Iesu Peter James John ëho jaburo dahorure ruvebijareje. Ruvebiromom Iesuare ijorajo ioro'oro jabesirire rue'i gavareje ae aho'obëhe jabesi bëhire gagovoromoriravo rova'o rojomo'i Jew rajo jögoru öri röjëhijarue ariböviohuro Iesuare aribövijabesi jöho aho'ahëmijamu.

15 Ëhi jië'ëro ae aho'obëhe gavare Iesu rovamu gagorovo tiöjëvadeje. Tiöjëvamu Iesu ma-burëro birohoromo jejamiruomadeje.

16 Jejamijamu Iesuro uëvadeje: Jemë rabu jöe nasi ariböviohu'o atarujëjo.

17 Atarujëjamu ae gemuëro uavadeje: Tisa na nasi harihoho jasi örire barovode höjo. Ë hesi bëhoho Satan-are ae gemuëro hesi dëre abo hiromo hesi bitaroho tövahë'e höjo. Ëhi jië'e aru'ahoho hesirire höjo.

18 Hesirire jië'ëro nasi harihu hesi simano huotovahë'iroho ijumahego jue'i sa'arebehumorovaje höjo. Behumorovoromo jö'onö obohu tatogo'e rueromo ane vuogigimoromobiriri'övaje höjo. Ëhi'ajego naro jasi ijorajo ömo'ömoho uëvode höjo: Aru'aho sisëhorarovö'öhego va'ajo. Ëhi uëvamu rarovö'ö'i ë'o gavaroho bogo eni jëvade höjo.

19 Bogo eni jëvade höjamu Iesuro uëvadeje: Asë'e ave jaruvore raromaruje ariböviohojemë bogo ma uehorovaruje aribövie jëvajëjo. Na majae dimino'e jemë'oho hibe va'ejöjo. Majae dimino'e jemesi mu sisëho garomo ma-nunëro ga taemobe va'ejöjo. Jemesi uehorosisëhuro na u'uevajëjo. Ë aharihoho barovego na gavöjo.

20 Na gavöjamu rueho jaburo aharihoho hu'irae rovareje. Rovamu uhure a sisëhuro Iesu garomo ma-burëro dë vövöbajo'oho ijumahamu simane sisërëromo bijöbijövoromo övo'ohöru'o ajiomoromo sa'are behumorovoromo jö'onö obohu tatogo'e rueromo ubiri'ubirivadeje.

21 Ubiri'ubirivamu gagorovo Iesuro vavuoho uavadeje: Divare aevoromo simanoho sisërëberovade höjo. Sisërëbe rovade höjamu uavadeje: Asisö'o jiadevare evare aevoromo ëhijiove rovade höjo.

22 Röhu uhure a sisëhuro majae aho'obëhe ijumo avoho'i nimego simane huotovahëgovënire jovore ëma ravorovaje höjo. Röhu ja eni javë'oho nosi jöëni vavaenimoromo ajamuijëjo. O bogo eni javego ëhuro vuonugëjo. Vuonugëjamu Iesuro

uavadeje:

23 Ja rabëni uvanuëjo: Nani nörö bogo eni höjo. Ae rahu God mae uehorovë'oho God-huëhi jië'e ariböviohuni bövi bise'o vae'iröhoho eni höjo.

24 Eni höjamu rue vavuohuro ma-darugo'o uvadeje: Iae na ma-bisemu mae uehorovajëjo. Ajemego na mae uehorovo avohöjo.

25 Ëhi uavamu heromo Iesuro gavade rue ariböviohuro aho'obëhe tutubijiohoromo ruënumë hu baba'amo'i rueruomamu gëgorovo uhure a sisëho birevoromo uavadeje: Aru'ahosisë a jabesire abueromo bitaro tövëhoromo hia'i tugohëhanuoho naro ja uavajëjo: Höroromo va'ëjo. Ijoho bogave gemu vuonorö'ö abue'iranëjo.

26 Ëhi uavamu hegorovo rue uhure a sisëhuro jö'e dadovoromo aharihu hesi simanohohuotovahamu bijöbijövoromo sisë maro övo'o höru'o ajiomadeje. Sisë maro övo'o höru'oajiomamu uhure a sisëhuro höroromo va'amu aharihoho guomo barëjë'e sinoho va'ëne raromadeje. Ëhi raromamu ae aho'obëhe uvoruomadeje: Ë iaho mami'e guomë'e höjo.

27 Guomë'e höjamu Iesuro aharihoho övore ma'enoromo nigemamu ri'öjajedeje.

28 Ëhi'amu Iesuro va'o osare hijamu hesi ijarajoho jaburemu hu'o raromoromo uavareje: Diehi'oromo noehu aru'aho sisë rarovö'öjarocho bogo eni javuade höjo.

29 Bogo eni javuade höjamu Iesuro uëvadeje: Ë aharihu hesi dëre jiade ëhi jië'ea sisë ae gö hesi dëre jiajoho rarovö'ö'ië'iroho God-are örire ëninamijë'ohuro ëhutorarövö'ö'amo'arujëjo. Öri göho bogo'e höjo.

Iesuhu guomoröhe jö röhu maho majëhijade jöhoje.

30 Ëhi'onugoromo Iesu'o hesi ariböviohu'o ë sa'aho vuonugo'i va'areje. Va'oromo Galilee sa'are ma-saginiëri jijihoruomadeje aëro Iesu gajöëni.

31 Ë hesi bëhoho huro hesi aribövioho röjëhibe juvoromo uënvadeje: God-ro ëhibamë'ëro hesi A Maho na a jabesi övore va'oromo anego'iramu guomo'ejöjo. Guomoromomajae niö'i gemu hesi uhure ri'ö'ejöjo.

32 Jöho ëhi röjëhamu bëhoho bogo he'irögoro juhuoninëgamu bogo ua gavareje.

Di aehu a ioro'ioro iosirëmiromomo böröme jiaje jöhoje.

33 Ëhi'oromo Iesumëro Capernaum amore rovareje. Rueromo osare va'o raromoromo Iesurohesi aribövioho uëvadeje: Jemë rabu jöe öriroho atobe rovarije höjo.

34 Atobe rovarije höjamu jörumoraejareje ë hesi bëhoho örire rueromo atoromo uarovë'ëro: Iesure ijarajo ömo'ömocho di aho börömocho javuajëjo. Ëhi uarovobe rovë'ëro jörumoraejareje.

35 Jörumoraejamu Iesuro sa'aro hiromomo hesi aribövi 12-ho jaburo ruejöro uvëvamurovareje. Rovamu uëvadeje: Ae rahu a ioro'ioro iosirëmiromomo nunire nami'i uehorovë'ohouvonëjo: Na a ioro'ioro jabesi dejonö namijajëromomo jabesi muoho vaejëhonövonëjo.

36 Ëhi uënugoromo Iesuro va'o aharihoho viëhi jabesi nunire baro gurasijiomomo namiromouëvadeje:

37 Ae rahu aviëhi jië'e asisö'oho gemu nasi ihore rajahiromomo baejë'oho ëhuro na'orajehiromomo baejevorumomaje höjo. O ae rahu na rajehiromomo baejevë'oho ëhuro bogo nagemu rajehi'i remö'öjamu rovode ahu'o rajahiruomaje höjo.

Ae rahu jemë'o bogo iro muorovo'e vaejë'oho jemë'o gemuore jiaje hesi jö Iesuhu jövadohoje.

38 Ëhi uëvamu John-ro ri'öromomo uavadeje: Tisa no gavare höjo ae gemuëro jasi ihohouvoromomo aru'aho sisë a jabesi dërocho rarovö'öjëvamumu. Rarovö'öjëvamumu garomomo röhu gavarehu bogo no'o juvaje aho jiamu gagorovo uavareje: Vuonugëjo.

39 Vuonugëjamumu Iesuro uëvadeje: Nadi ëhi jië'oho ë'orëjo. Ae rahu nasi iho uvoromodarugo'e mu vaejë'oho bogo burërocho huotorovoromomo nasi jö sisëho aho majëhi varijënohohöjo.

40 Ae rahu nosi örire bogo bijönimë'oho ë aribövioho nosi aemo'aeme jioruomajëjo.

41 Röhu ave jöho na jö mae uë'ië'ajëjo. Ae rahu jemë gëromomo uvë'oho: Jemë Keriso-arearibövie jëvajëromomo ma-bisemu ajëmiromomo enatuore jovo bojëmië'oho jabu iae manahoujuohoromomo'ajëjo.

God uehorovarue mu ijumëharue aribövi jabesi jöhoje.

42 Ae göëro asisö'onö'e jörume hiromo nasi örire mae uehorovevo'ajëjo. Ëhi'o'iramuae göëro è aho mu sisë röjahiromo ëhuro na mae uehorovevaje muoho ijumaho'ajëjo. Ijumahoromoi'u sisëho bae'a'ajëjo. Mu sisë bogo röjahijajevare evare è mu sisë röjahijaje a hesisönö'ahore aëro i'u'e munë hitahiohuro tövoromo sö jovore ba'amego e'ure beva'oromoguomo'ibejajo èho ma-jianovo'ibejajo. A'i è mu sisë röjahi'iröhe è hesi i'uoho börömobëhe bae'a'ajëjo.

43 O jasi övehu mu sisë vaeromo God uehorovanue mu vuonugo'ië'iroho övoho tariö'önëjo. Ja öve gemu javamu ijonö va'oromo mare hijë'o'ho ëhuro mae javo'ajëjo. A'i öve niö'ijavamu ijonö God-hu ramö'öjamu ravemu ravaje vënire va'ë'o'ho ëhuro sisë bëhe javo'ajëjo.

44 [Ë dirö'ore huiniohuro bogo vuovo'i a sine ma-ue'ahemu ue'ahago vënoho bogodurohego è dirö'ore aho vi'ehoho ma-baemu baejarue höjo.]

45 O jasi hörehu mu sisë vaeromo God uehorovanue mu vuonugo'ië'iroho höroho tariö'önëjo. Ja höre gemu javamu ijonö va'oromo mare hijë'o'ho ëhuro ja mae javo'ajëjo. A'i höreniö'i javamu ijonö God-hu ramö'öjamu vënire va'ë'o'ho ëhuro ja sisë bëhe javo'ajëjo.

46 [Ë dirö'ore huiniohuro bogo vuovo'i a sine ma-ue'ahemu ue'ahago vënoho bogodurohego è dirö'ore aho vi'ehoho ma-baemu baejarue höjo.]

47 O jasi nunehu mu sisë vaeromo God uehorovanue mu vuonugo'ië'iroho nunoho jahonëjo. Ja nune gemu javamu ijonö va'oromo God-are aharire hijë'o'ho ëhuro mae javo'ajëjo. A'i nune niö'i javamu God-hu ramö'öjamu vënire va'ë'o'ho ëhuro ja sisë bëhe javo'ajëjo.

48 Ë dirö'ore huiniohuro bogo vuovo'i a sine ma-ue'ahemu ue'ahago vënoho bogo duorohego è aho vi'ehoho ma-baemu baejarue höjo.

49 Söëro ioho hu'ihego ëhuro ioho bogo sisërë'i mae jiaje höjo. Söëhu i hu'ihegoi bogo sisërë'i mae jiajëhi ëhi ae aho'obëhe jemë vënëro ravëvanovoromo vi'ehe bae'a'arujëjoëhuro jemesi dë vövöbajo'oho bogo sisërëjëho'i ma-mae jëvoröhego. 50 Söho rihu'e mabëhe höjo. Röhu sö hesi rihu barëjë'oho röhu bogo maho avoho hesihöjo. Ëhuni nasi rihu'e jöho ma'eno'i nadi boremi'örëjo. Nadi boremi'ö'i nadi iromuorovo'oho vae'i ma-huë baerovorëjo.

10

Vaboro'o baru'o gemuoho jëvaje jöhoje.

1 Iesuro jöho ëhi majëhinugoromo è sa'aho vuonugo'i va'adeje. Va'adoho va'o Judeasa'are va'oromo Jordan beromo ioni göre ajiomadeje. Ajiomamu gagorovo ae aho'obëhehesi örire röhu maho ro gagovareje. Gagovamu huro urimo ë'ajëhi ëhi God-are jöe röjëhijadeje.

2 Röjëhijamu Pharisee ariböviohuro rueromo Iesu guaro beva'ojöro uaruomadeje: Vaboronugö'ö'amo'iröhe jögoru hesi jöho no he'i naguajëjo. Aehu vaboro nugö'öjë'oho ëhijjë'o'ho na mae o sisë höjo.

3 Na mae o sisë höjamu Iesuro uëvadeje: Röhu Moses-hu jajivoromo bojëmade jögorohodiehi höjo.

4 Diehi höjamu uavareje: Moses-ro jajivoromo uövuë'e höjo: Nugö'ö'i nagë'oho nugö'ö'iranejöho suroro jajivoromo vaboroho bojamiromo evaro nugö'önëjo.

5 Ëhi uavamu uëvadeje: Iae ëhi höjo röhu jemë hia'i biriri'e aribövie jëvobe rovë'egoëhuni Moses-ro è jögoroho jemëni jajivëhade höjo.

6 Röhu aëvo'i God-hu bövi bise'o bamade majaroho bogo ëhioho jio'i è hesi jöhoGod-are surire ëhi uvë'e höjo: God-ro aëvoromo ahu'o magonahohu'o bamëvade höjo.

7 Ëhu'ëro jjië'ëro aëro vëmu vavu'oho rëmö'ö'i vaborohu'o gemu mae hi'a'ajëjo.

8 Vaborohu'o hi'iramu jabumë niö'i jëvadoho röhu gemu jio'a'ajëjo. Ëhi uvë'e höjo. Ëhu'ëro jjië'ëro è ahu'o magonahohu'o bogo hahagu hahagu jio'i ma-gemu jëvo'ajëjo.

9 God-hu mami'e gemuore havoromo muohadoho jemë ma-ae jëvaje nadi tarivorëjo.

10 Ëhi uënugoromo hu'o hesi ijorajo ömo'ömo'hu'o vuonorö'ö va'o osare raromoromoi'orajoho jaburo Iesu uavareje: Vaboro nugö'ö'amarue jöho röhu maho majahuijago nohejarëjo.

11 Hejarëjamu Iesuro uëvadeje: Baruehu vaboro nugö'ö'i gö masuvë'oho èho goho'amaruemuoho vae'a'ajëjo. Ëhuro vaboro maho ijumo'ajëjo.

12 O vaborehu baru nugö'ö'i gö masuvë'oho èho bogo maho masu'i goho'amarue

muohovae'a'ajëjo. Ëhi uëvadeje.

Iesuhu hesi övo asisö'o inino jabesi sinore bamëhade jöhoje.

13 Ëhi uëvë'ëro aëro asisö'o ho sô ujuoho rueruomadeje Iesuro öve jabesi sinorebamëhojôro. Ujuoho rovamu gëgorovo Iesuare ijorajo ömo'ömhuro birëgoromo uëvareje:Asisö'o ho nadi aveho sô ruehëjo.

14 Ëhi birëgamu hegoro Iesuro dë vörönimamu hesi aribövioho uëvadeje: Nadi ahëvo'iuëhego rueruomajo. Ëhi jië'e asisö'o va'ëne jörume raromë'e aribövioho God-ro börömenamiromu muebejëvego hesi ahariremu raromoruomaje höjo.

15 Ave jöho na jö mae uë'ië'ajëjo. Asisö'o ininehu bogo sivu uehorovo'i God-humuebejavuajoho mae hö uvaruëhi ae rahu bogo ëhi uvë'o ho ë God-are ahariroho bogo va'oraromo'aruëjo.

16 Ëhi uëngoromo ë asisö'o ho huohudë'amoromo övoho jabesi simanore bamëhoromouëvadeje: God-ro huë mae bojëmi'ajëjo.

Bövi bise'o marohë'e a hesi jöhoje.

17 Ëhi ë'ë'ëro Iesuro ri'öromo örire va'adeje. Va'amu ae gemuëro tutuvo rueromohesi bëhire ague aho hiromu uavadeje: Tisa ja a mae javajëjo. Na diehi'oromo ioro'ioremuohomaro ho hi'ejöjo.

18 Maroho hi'ejöjamu uavadeje: Jero na uevanuëjo: Ja a mae javajëjo. Iae mae höjoröhu hesi God gemu a maho höjo.

19 Röhu mae hi'iranëro ue gevanuho ja God-are jögoroho iae gavanue höjo. Nadiho anonëjo. Nadi goho'amonëjo. Nadi vajiohoho baenëjo. Nadi sareri'e jöho aho majëhinëjo. Nadi sareri sarerioho ë'oromo vajiohu muoho vaenëjo. Jasi vëmoho vavuho mae uehorovëvonëjo. Mae hi'irane öroho ëhi höjo.

20 Öroho ëhi höjamu uavadeje: Tisa iae mae-ëjo röhu na asisö'o'ere aevoromo jöbe rovodoho jaruvohu'o ëhi gemuho ë'aje höjo.

21 Ëhi uavamü hegoro Iesuro hu garomo hesi örire dë vövöbajo'e aho'o uehorovoromouavadeje: Iae ëhi höjo röhu mue gemu bogo vaejë'ëro javë'ëro ëhu'ëro ja bogo eni javajëjomaie hiemu hi'iranoho. Va'oromo jasi inömo ho bövioho bise'oho imo'amoromo monioho baeromoinömo bogo eni jië'e aribövioho suvuorëminëjo. Ëhi ë'ë'oho bövie bise'e maho mahojanioho ö'idöre jiaho'ajëjo. Ëhi'oromo rueromo nasi ijoro ijoro juvonövonëjo.

22 Ëhi uavamü hegoro ruehuro hesi uehorovoromo uvadeje: Na bövie bise'e börömomae jevë'ëro suvuorëmi'irodoho na bogo eni jevajëromo vavaenimoromo nu ano'e sisërëromova'adeje.

23 Va'amu gagorovo Iesuro uherihoromo hesi ijorajo ömo'ömo ho gëromo uëvadeje: Bövibise'o marohë'e aribövioho God-hu muebejaje öri ari'ere va'ë'oho anoji'e mae jio'a'ajëjo.

24 Ëhi uëvamü rue ijorajoho jabu jöe barëjëvadeje. Jöe barëjëvamü Iesuro röhu mahouëvadeje: Aganomë God-hu muebejaje aji'e öri ari'ere va'iröhoho anoji'e mae höjo.

25 Mi börömo anugo gagore nugö'öjë'oho ja bogo eni javo'ajëjo. Röhu ëhi ë'ë'ohosamae jianovo'i a'i bövi bise'o marohë'e aribövioho God-hu muebejaje öri ari'ere va'iröhohoëho anoji'e mae höjo.

26 Ëhi jövamu heromo tiötiövoromo uavareje: Ëhi jië'oho no diehi'oromo maroho va'ëjarëjo. No ae aho'obëhe bogo eni javuajëjo.

27 Bogo eni javajëjamü Iesuro ërimëhoromo uëvadeje: Io'ajo. Jemë aëro jëvë'ërobogo eni jëvajëjo. A'i God-hu öri avohëhë'oho hu eni höjo hu mue aho'obëhe vaejë'ohoeni jiajëro jië'ëro.

28 Ëhi uëvamü hegoro Peter-ro ri'öromo Iesu uavadeje: Aveho gavëjo. Noro böviebise'e nosiroho vuonugo'i jasi ijore ijore jijihë'e javuajëjo.

29 Jijihë'e javuajëjamü Iesuro uëvadeje: Ëho iae mae höjo. Aveho na jö mae uë'ië'ajëjo. Ae rahu javue öe ma'ine vëme vavue aboji harihu'e o sa'ae vuonugo'i nasi jöëni va'oromonasi jö ma a majëhijë'oho

30 ëhi jië'e aribövioho jemë jemesi bövioho bise'oho ëho ma-bise'e vuonugarijehöjo röhu avejëjö'e ave sa'are bövi mae bae'a'arujëjo. Javue aho'o ö ömo'öme aho'oma'ino ömo'öme aho'o vëmu ömo'öme aho'o aboji harihu'e aho'o sa'ae aho'o bae'a'arujëjo. Ëhi bae'a'arujëjo röhu aëro nasi jöëni huë vavaenohu'o bojëmi'iramu bae'a'arujëjo. Röhu majae ijönö jemë ma-ioro'ioremu maro raromo'arujëjo.

31 Ĕhi hōjo rōhu a ioro'iore aho'o nuninō jiaruoho dejonō jio'i a ioro'iore dejonōjiaruoho nuninō jioruomo'ajējo.

Iesuhu guomorōhe jō urimo vae niō'i majēhijadoho ijonō rōhu maho majēhijade jōhoje.

32 Ĕhi ē'ē'ero Iesu'o hu'o va'arue aribōviohu'o ēho jaburo Jerusalem amo bōrōmoreajiomō'i ōrire va'areje. Iesuro urimo va'i hesi ijarahō ōmō'ōmohuro uehoro bōrōmebaebe hesi ijore va'i a ioro'ioroho aho'obēhe jaburo jabesi ijore juhuonivobe va'oruomadeje. Va'oromo Iesuro hesi ijarahē 12-ho rōhu maho rori'o sō va'oromo aehu hesi ōrire diehijjē'e mu vae'irōhe jōho majēhiromō uēvadeje:

33 Aveho hehējo. No Jerusalem amore ajiomaruējo. Ajio ē raromoromo God-ro hesiēhi bamē'ero hesi A Maho naro priest masijo jabesi ōvore Jew rajo jōgoru ōri rōjēhijaruea jabesi ōvore va'iramu baejevo'aruējo. Baejevoromō nasi jōho mevo garomō uvoruomo'ajējo: Nōrō sisē'e aego guomō'a'ajējo. Guomō'a'ajēromō na baejevoromō sa'a gōre jioromō rovarearibōvi jabesi ōvore bojēmi'iramu baejevoromō

34 sivegoromō sabēro ōdegoromō hisuebijevoromō anego'iramu guomevo'ajējo. Guomoromomajae niō'i gemu hesi uhure ri'ō'ejōjo.

James'o John'o masije rirarovo'i Iesu ua gavare jōhoje.

35 Ĕhi uēvē'ero iae Zebedee-are harihe niō'i James'o John'o rueromō Iesu uavareje: Tisa no naguajējo noehu rabu jō ua ga'iē'aruēhi jero ēhi ē'iranego.

36 Ĕhi uavamū uēvadeje: Naro rabe ē'ēhojōro uevarujējo.

37 Rabe ē'ēhojōro uevarujējamū uavareje: No naguajējo jaehu jasi aji'e ōri ari'erehijē'iroho jero uōvuego no ō'o jasi bēhire masije rirarovoromō noro gōero jasi ōvomanō gōero jasi ōvo adonō ēhi ari'irōhēro.

38 Ĕhi uavamū uēvadeje: Iae ēhi hōjo rōhu jemēhu ue gevaruje jō hesi bēhoho jemēbogo gavē'e ēma uevarujējo. Na gavajējo ajuo'e jovo sisēhu ajuemanovo'irōhoho jioromonasi ōrire jōvēro rovanovo hesi jio'ego. Ĕhi jīē'e huē vavaeni bae'irarijoho na jemē'oeni jēvajējo.

39 Ĕni jēvajējamū uavareje: Iae no eni javuajējo. Ĕhi uavamū Iesuro uēvadeje: Iaemae hōjo. Na ajuemi'irōhe jovo sisēhuro jemē'o ajuēmi'ajējo. O nani ruerōhe jovohurojemēni rue'a'ajējo.

40 Rōhu nasi bēhire ōvo manō o ōvo adonō ari'irarije jō uē'irodoho ēho bogo nasirehuhōjo. Hesi God-hu a rahumēni uvoromō nugade rōhoho ē aho jaburemu nasi bēhiroho ari'a'aruējo.

41 Ĕhi'amū Iesuare ijarahō ioro'ioroho 10 jaburo hejareje uvavamū: James'o John'o Iesuare bēhire bōrōme rirarovo'i uvare hōjamū hegorovo jabesi ōrire dē vōrōnimoruomadeje.

42 Dē vōrōnimoruomamū gagorovo Iesuro hesi ijarahō aho'obēhe uēvadeje: Ruehōromorovamū uēvadeje: Iae jemē'o gavarujējo. Sa'a ioro'ioro rajēro uvoruomaje hōjo: Ĕ amasijohuro no muebejavuarue hōjo. Ĕhi hōjo rōhu ē a masijoho jaburo jabesi aribōviohoruahō'ōjēvoromō jabumēremū masije riravarue hōjo. O jabesi bēhire riravaruhuro ēhitaemēvoromō jōe bojēmijarue hōjo.

43 Sa'a ioro'ioro rajohuro ēhi ē'arue hōjo. Rōhu jemē'o nadi ēhioho dōroho bamorovorējo. A'i jemesi ae gemu rahu bōvie nami'i nimē'oho hu a ioro'ioro jemē ajēminōvo'irōheae jio'a'ajējo.

44 O jemesi ae gemu rahu nunire jio'i nimē'oho hu a ioro'ioro jemesi mu vaejēhonōvo'irōheae jio'a'ajējo.

45 Ĕ hesi bēhoho God-are A Maho na'o ae ajēmi'i ēhuni rovode hōjo. Naehu rovodehesi bēhoho bogo aēro na ajēmi'irarijego rue'i a'i naro ae ajēmiromō nasi arijo'arijebojamirovoromō guomorovoromō ēhuro ae aho'obēhe sisēhu tōvēvajoho jiovo rēmō'ō'irodēniēhuni rovode hōjo.

Iesuhu Jericho amo vuonugoromō va'i nuni sisē'e a ajamade jōhoje.

46 Ĕhi'oromō Iesumēro va'aroho va'o Jericho amore suorovareje. Suorovē'ero Iesu'ohesi ijarahō ōmō'ōmohu'o a ioro'iorohu'o aho'obēhe ēho jaburo Jericho amoho nugoromova'i ē'areje. Rōhu Timaeus-are harihe Bartimaeus ōri ionire hijē'e jiadeje. Hu nunisisē'e aēro jīē'ero hiromō maēni sisēni ēninēminōvadeje.

47 Ĕ ahuro ōri ionire hiromō hejade uvoruomamū: Rova'aje aho Nazareth amo raje Iesu hō uvamū hegorovo ma-darugo'o uvo'i hijadeje: David-are ujoho bōrōme javaje Iesujero nani

vavaenimëjo.

48 Vavaenimëjamu hegorovo ae aho'obëhe jaburo birevoromo uavareje: Jöe vuonugëjo. Jöe vuonugëjamu hejë'i röhu maho darugo ma'o uvo'i hijadeje: Hë David-are ujoho nanivavaenimëjo.

49 Ëhi uvo'i hijamu hegorovo Iesuro va'adoho vuonugo'i ë namiromo uëvadeje: Uvohegorovajo. Rovajamu rueho jaburo ë nuni sisë'e aho uavareje: Iae mae höjo. Ri'öromo rovëjo. Arue ahuro uvajëjo jero ruejoro.

50 Ëhi uavamü hejë'i ruehuro döre ba'amade niögohö jaho bu'öromo ma-burëro ri'öromo Iesuaro va'adeje.

51 Va'amu Iesuro uavadeje: Naro diehi ajamijöro nagajëjo. Nagajëjamu rue nuni sisë'eahuro uavadeje: Bada ajemego na nune dadovoromo uherihöjo.

52 Uherihöjamu Iesuro uavadeje: Iae mae höjo. Va'ëjo. Jero God mae uehorovamu ëhuromarëjavë'e höjo. Ëhi uavamü gavë'i ma-burëro uherihadeje. Uherihoromo Iesuare ijoreörire va'adeje.

11

Iesuhu Jerusalem mabëhe rovide jöhoje.

1 Iae Iesumëro va'o Jerusalem bëhire va'oromo Olives Dahorure iojiomoromo Bethphageamo o Bethany amo jiajinö ë rovereje. Rueromo Iesuro hesi ijorajoho niö'i rëmö'öromo

2 uëvadeje: Arue jemesi nuninörire amohuro va'ohëjo. Va'o hörö'i ga'a'arujëjo donkeyharihe bise'ego aehu döre bogo hiromo va'aruoho benugë'e jio'iramü. Benugë'e jiegojiovoromo hu'irae ruerëjo.

3 O aehu uëvë'oho: Jemë rabëni jiovarujë uëvë'oho uërëjo: Badaro ave mioho nimo'egoëhuni jiovaruëre. Huro mü nimadoho vaeromo iae ma-burëro sionëro nugö'ö'ajëre.

4 Ëhi uëvamü va'oromo gavareje donkey harihoho öri börömore javue gemu nami'egoë ojanore benugë'e jiamü. Benugë'e jiamü gagorovo jiovereje.

5 Jiovamü gëgorovo ë bëhire riravare aribövioho jaburo uëvareje: Jemë rabëni donkeyharihoho jiovarujëjo.

6 Rabëni jiovarujëjamü Iesuhu uëvadëhi ëhi majëhijareje. Ëhi majëhijamü rueho jaburouëvareje: Iae mae höjo. Bava'ohëjo.

7 Bava'ohëjamü hu'irae barueromo jabesi niögohö mü dejore ruaho'amo bahijamü Iesuroë ajio hijadeje.

8 Hiromo va'amu gavë'i ae aho'obëhe a ioro'iorohuro niögohö örire ahahobe va'ia ioro'iorohuro müre ijo rude tarivë'ëro ahahobe va'areje.

9 Va'oromo Iesuare nuninö va'oruomadohü'o dejonö rueruomadohü'o ma-darugo'o uvoruomadeje:

God mabëhëjo.

Ave aho Badare ihore rovajoho mabëhëjo.

10 Nosi hije David-are sionoho baeromo böröme namiromo muebejavuo'ië'ajëjo.

No naguajëjo ë müoho mae tutuvoröhego.

God mabëhëjo.

11 Ëhi rajahibe rovë'i Iesu'o Jerusalem rovereje. Iesuro Jerusalem ruenugoromo God-are amo börömore va'adeje. God-are amo börömore va'oromo bövioho bise'oho gabejuvonugoromo gavade mami'e vö'öromamü gagorovo huro hesi ijoraje 12-ho jabu'o gemumae Bethany amore sionëro va'adeje.

Mesehu bajo bogo raejoro Iesuhu uavade jöhoje.

12 Bethany amore va'ë'ëro nërö ri'öromo ë jioromo vuonorö'ö rovereje. Örire rueromo Iesuro hejade hömamü hejë'i

13 rue'i gavadeje arue riribövire mesoho hano'e namijamü. Mesoho namijamü gagorovoë bëhire va'adeje ga'i bösoho raejë'e jiego o bogo. Va'oromo gavadeje bajoho bogojio'ima-hano rudu'emu jiamü hesi raejaje majaho bogo rovë'ëro jië'ëro.

14 Hano rudu'emu jiamü gagorovo mesoho uavadeje: Ijonöho nadi bajoho raenego ahoue'aho'irarëjo. Ëhi uavamü hesi ijorajoho jaburo hejareje.

Iesuhu God-are amo börömore va'oromo ë'ade jöhoje.

15 Ëhi'oromo Iesumëro örëro ajiomoromo Jerusalem ajio suorovareje. Suorovoromo Iesuro God-are amo börömore va'adeje. Va'i gavade aëro bövie bise'e imo'amamu gëgorovorarovö'öjêvadeje. Rarovö'öjêvoromo gavade aëro sa'a göre göre jioromo rovare aribövijabesi ijo bajoho ujuoho'i amo börömo hesi ijo bajoho i'imëmamu gëgorovo jabesi mumaratuoho huotovö'öjêhoromo ugo imo'amarue aribövi jabesi arëtohu'o huotovö'öjêhadeje.

16 Huotovö'öromo ae aho'obêhe ahêvadeje jabuhu inömo inömo ujuohoromo God-are amoririre örörovaruoho vuonugojöro.

17 Ëhi uëngoromo God-are jö hesi öroho ae röjêhiromu uëvadeje: God-are surirejajivoromo uvë'e höjo: God nasi osaho aëro uvoruomo'ajëjo: Ë osa hesi bëhoho sa'aedinö'e dinö'e raromarue ariböviehu ro God-are örire jö atarue osaho höjo. Ëhi uvë'ehöjo röhu jemëro mu sisë ë'ë'ëro êhuro ave osaho vajiohu'e ariböviehu gurihorovaruejuju gagoho va'ëne höjo.

18 Ëhi uëvamu priest masijohu'o Jew rajo jögoru öri röjêhijarue ariböviohu'o êhojaburo ë jöho heromo gavare ae aho'obêhe Iesuhu röjêhijaje jöho heromo tiöruomamugëgorovo uvareje: Nani ae aho'obêhe no ramuo'i Iesu gemu uehorovo'aruëromu juhuonivareje. Juhuonivoromo öre nahareje Iesu anego guomoröhego.

19 Ëhi'amu vö'öromamu gagorovo Iesu'o hesi ariböviohu'o Jerusalem jioromo va'areje.

Iesuhu meso hesi uhu jö huruoho majêhijade jöhoje.

20 Va'ë'ëro sisonuvamu Iesu'o hesi ariböviohu'o örire vuonorö'ö rue'i gavarejemesoho mami'e sahori barëjê'e jiamu.

21 Sahori barëjê'e jiamu gagorovo Peter-ro Iesuhu urimo jövade jöho uehorovoromouavadeje: Bada arueho gavëjo. Jaehu sahorijöro uavane mesoho iae sahorijê'e höjo.

22 Sahorijê'e höjamu Iesuro uëvadeje: God mae uehorovorëjo.

23 Ave jöho na jö mae uë'ië'ajëjo. Jemë bogo uehore niö'i bae'irögoro God gemumae uehorovoromo uvë'oho: Na uvajêhi iae êhi jio'a'ajë uvoromo ave dahoru uavë'oho: Ri'öromo va'o jovo börömore bu'örovonë uavë'oho jemëhu uvarije muoho God-ro vaejêho'ajëjo.

24 Ëhuni na uëvajëjo: Rabe rabe God ua gavë'oho mae uehorovoromo uvorëjo: Iae mae-ëjo. God-ro iae bojemi'iramu bae'ejöjo. Ëhi uvë'ohuro êhuro iae bae'a'arujëjo.

25 O jemë döre riravoromo God-are örire êninami'irögoro röhu ae göëni dë vörönëgë'ohoë a hesi sisëho uehorovoromo vuonugorëjo. Ëhi ë'ë'ëro êhuro jemesi Vavue ö'idöre hijajeahuro jemesi sisëhu'o uehorovoromo vuonugo'ajëjo.

26 [O jemëhu jabesi sisë bogo uehorovoromo vuonugë'oho jemesi Vavue ö'idöre hijajeaho hu'o jemesi sisëho bogo uehorovoromo vuonugo'ajëjo.]

Jew rajo a masijehu Iesu bogo ma uehorovoromo darugoho dinö'e baejane hö uavare jöhoje.

27 Ëhi majêhinugoromo Iesu'o hesi ariböviohu'o Jerusalem röhu maho rovareje. Jerusalemrueromo Iesuro God-are amo börömore va'oromo ë juvadeje. Juvamu gagorovo priest masijohuro Jew rajo jögoru öri röjêhijarue ariböviohu'o a duvaho ömo'ömhuro rueromo

28 Iesu uavareje: Jaehu God-are amo börömore hiromu mue gö gö vaejanuoho diehijê'e daruge javoromo o raro darugoho bojamijê'ëro êhi jiê'e muoho vaejanue höjo.

29 Vaejanue höjamu Iesuro uëvadeje: Nasi darugo hesi jö ue gevarujoho na'o jemëjöe gemu uë gë'ië'ajëjo. Jemëhu mana uevë'oho naru jemë uë'ejöjo: Na êhi jiê'e darugohuomuoho vaejaje höjo.

30 John-hu bapataeto vaejavuonövadoho na God-ro o ma-aëro darugoho bojamijê'ëroêhioho ë'onövade höjo. Uehego na hejöjo.

31 Hejöjamu rue a masijohuro Iesu diehi mana ua'iröhe jöho jabesi mevoromo uarovareje: Noehu uavë'oho: God-ro John darugoho bojamade hö uavë'oho Iesuro

uö'a'ajëjo: Èhi jië'ohojemë rabëni John bogo ma uehorovarije höjo.

32 O noehu Iesu ua'iröhoho: Ma-aëro John uavamu ë'ade hö ua'iröhoho röhu ë jöhobogo ua'ejarejo. Èhi uarovare hesi bëhoho ae aho'obëhe uvoruomadeje: John hu jö God-arobaeromo majahuinövade ae höjo. Èhi uvoruomamu ë a masijehu ae aho'o jabesi jö aho'ijö gö Iesu ua'iröhoho juhuonivareje. Juhuonivo'i ëhuni Iesu ua'iröhoho: Ma-aëro Johnuavamu ë'ade hö ua'iröhoho bijönimareje.

33 Bijönimoromo Iesu uavareje: Jaehu uö gövuanue jö hesi bëhoho no dadivavuajëjo. Dadivavuajëjamu hegorovo Iesuro uëvadeje: Èhi jië'oho jemëhu uevariye jöho na'o bogouë'ejöjo: Na ëhi jië'e daruguhuro muoho vaejaje höjo.

12

Mu aribövieu a börömo hesi ö'i bajo mu mueberomo sisë ë'are uhu jöhoje.

1 Iesuro ëhi uëngoromo ë Jew rajo aribövi jabesi jö sisëho uhu'e majëhiromo uëvadeje: Iae ae gemuëro mure grape ö'oho bivo'amade höjo. Bivoromo ë muoho buore iromo rova'orogomoromo ö'i bajo sa'ijovoröhe guaho umoromo mu javue döro vaejade höjo hesi muahuro ajio ë hiromo muoho atovoröhego. Muoho ëhi avohoromo gavade eni jiamu gagorovoae uëvade höjo: Na va'ejöjo. Jemëro nasi muoho muebejehorëjo. Mueberomo ö'i bajohoraeromo mavego nasiroho bahi'i ioro'ioroho jemesi ujuohorëjo. Èhi uëngoromo ri'öromova'o sa'a göro ë hijade höjo.

2 Sa'a göro va'oromo hijuvo gavade ö'i bajo urarue majaho rovamu gagorovo mu vaejharueaho gemu uavade höjo: Va'iranoho mu muebejarue aribövioho uënego ö'i baje gö i'imamegoujuoheho ruenëjo. Ujuoheho ruenëjamu ruehuro va'ade höjo.

3 Va'o mure höröjamu gavë'i rue mu muebejarue ariböviohuro ë aho guduamoromo anoromosihö'öjamu sionëro övemu rovade höjo.

4 Övemu rovamu gagorovo rue a börömohuro mu vaejharue ae gö'o nugö'öjamu mureva'ade höjo. Va'o höröjamu gavë'i rue mu muebejarue ariböviohuro ë aho simanore anoromohesi örire mu sisë vaejare höjo.

5 Èhi'amu mu arijo'ohuro mu vaejharue ae gö'o nugö'öjamu mure va'ade höjo. Va'oromohöröjamu gavë'i mu muebejarue ariböviohuro ë aho anamu guomade höjo. Anamu guomamugomu arijo'ohuro hesi mu vaejharue ae gö gö nugö'öbe rovade höjo. Nugö'ö'ego va'o murehörö'ego ioro'ioroho ijahëro hisuebi'amo'i ioro'ioroho muo'amo barënovare höjo.

6 Èhi'ojuvo hu'oho ae gemu jiade höjo. È aho hesi harihu mabëhoho jiade höjo. Ijotugoho'i mu arijo'ohuro uehorovoromo uvade höjo: Arue mu muebejarue ariböviohuro hugaromo uvo'a'aruëjo: Nöruare harihe hö uvoromo ëhuni mae uehorovo'aruëjo. Èhi uvoromonugö'öjamu mure va'ade höjo.

7 Va'o höröjamu gavë'i ë mu muebejarue ariböviohuro uarovare höjo: Arue rovajeahuro hesi vavu hesi sionoho bae hesi höjo. Èhuni ë'ego ano bamarëjo ëhuro ave muohonoro baeröhe höjo.

8 Èhi uarovonugoromo ë aho guduamoromo anoromo guomamu muro jiamu baeromo rori'obu'öruomade höjo. Èhi'are höjo.

9 Èhi jië'oho mu arijo'ohuro diehi ë'a'ajëjo. Huro rueromo mu muebejarue ariböviohoi'ue bojëmiromo muo'amo'i ë muoho ae gö bojëmi'ajëjo jaburo mueberöhego.

10-11 Röhu ave uhu jöho God-are surire jajivoromo uvë'e höjo:

Munë javue vae'irögöro munë gemu bijönimoromo vuonugare höjo.

Vuonugaroho jaruvoho ë munëhuro javuoho nigemo'ego bibivoromo mae namijajëjo.

Hesi Bada God-ro ëhi ë'ade höjo.

Èho noro garomo uvarue höjo: God-ro mu mabëhe ë'ë'e höjo.

È jö God-are surire jajivamu adaharijoho jemë diehi'oromo ë hesi bëhoho bogo avohobaejarije höjo.

12 Èhi uëvamu hegorovo rue Jew rajo a masijohuro garomo uvareje: Iesuro a masijohono biraguoromo ëhuni uhu jöho jövajëjo. Jövajë uvoromo Iesu guduamo bava'ië'oromoae aho'obëhe juhuonëmiromo vuonugo va'areje.

Iesuhu guaro berovjöro aehu tax jö ua gavarohoje.

13 Èhi'amu aëro Pharisee aribövioho o Herod-are aribövioho rëmö'öjareje va'oromo Iesu sareramego huro jöe sisë'i jövoromo guaro berovoröhego.

29 Nuniroho hōjamu Iesuro uavadeje: Nunire jō bōrōmoho aveho hōjo: Israel aribōviohumēave jōho hehējo. Bada nosi God hu gemu bōrōmoho hōjo.

30 Jasi dē vōvōbajo'e aru'ahe uehore daruge aho'obēhe Bada jasi God ma-hu gemubojaminējo.

31 Ē jōho nuniroho hōjo. Rōhu ē jō hesi bēhiroho aveho hōjo. Jaehu jasi arijo'arierajahirovanuēhi jasi ae gemuoho ēhi rajahinējo. Jōgoru ioro'ioroho ē jō niō'ioho bogoiosirēmiromo masijoho jio'amo'i ē jō niō'ioho bōrōmo maho jēvajējo.

32 Bōrōmo maho jēvajējamu hegorovo rue jōgoru ōri rōjēhijaje ahuro Iesu uavadeje:Tisa ja jō mae jōvanuējo. Jaehu uevanuoho: God ma-gemu jio'i god gō gō bogohōjo.

33 Noehu dē vōvōbajo'e uehore daruge aho'obēhe ma-hu gemu bojamiromo rōhu nosiarijo'arije rajahirovaruēhi nosi ae gemuoho ēhi rajahijē'oho ēho ma-mabēhe hōjo. Omi vēnire bueromo God-are ōrire bojamijē'oho o suvuore gō gō hu bojamijē'oho ēho ma-jianovajējo.

34 Ma-jianovajējamu hegorovo Iesuro gavade rue aho simano mae uehorovoromo jōvamugagorovo uavadeje: Jaehu God-are aharire va'o hijego huhu muebejavo'irōhoho ja bogorori'oho javo'i iae bēhiro javajējo. Ēhi uavamu hegorovo ae aho'obēhe jōe gō gō uaga'iē'aroho juhuonivoromo vuonugareje.

Bōrōme namiromo ajamuaje a hesi jō Iesuhu rōjēhi'i uē gēvadohoje.

35 Vuonugamu Iesuro God-are osa bōrōmore hiromo jōgoroho rōjēhijadeje.

Rōjēhiromouēvadeje: Aveho hehējo. Bōrōme namiromo ajēmi'irōhe a hesi jōho jōvo'iē'ajējo. Jewrajo jōgoru ōri rōjēhijarue aribōviohuro uvoruomaje hōjo: Bōrōme namiromo ajamui'irōheaho ma-David-are uje jio'a'ajējo. Rabēni ēhioho uvoruomaje hōjo.

36 God-are Aru'ahohuro jōho David-are simanore bojamamu jajivoromo uvē'e hōjo:

Bada God-ro nasi Bada uavade hōjo:

Nasi ōvo manō rojo hijego

ja'o muorovarue aribōvioho naro ruahō'ōjēvego

hōrēro vijuvo taemo'amo'irane hōjo.

37 Ē hesi bēhoho bōrōme namiromo ajēmi'irōhe a hesi jōho David-ro jajivoromo uvē'ehōjo: Bada hōjo. Bada hō uvadoho ēhu'oho rabēni uvoruomaje hōjo: Bōrōme namiromo ajamui'irōheaho ma-David-are uje hōjo. Ēhi uēvamu ae aho'obēhe huhu majēhijaje jōho heromo nimorohoruomadeje.

Jew rajo jōgoru ōri rōjēhijarue aribōviehu sareri'e mu vaejaruēhi aehu bogo ēhi ē'irōhego Iesuhu jōvadohoje.

38 Ēhi'amu Iesuro jōho rōjēhijuvo rōhu uēvadeje: Jemēro Jew rajo jōgoru ōri rōjēhijaruearibōvioho gē avohorējo. Ē hesi bēhoho ē aribōvioho jaburo jabesi sinohemu uehorovoromoniōgu ēgobōvie hōru'o utahē'oho io'amoromo jijiharue ēhi jiē'e muoho nimarue hōjoaēro gēromo rajēhijōro. O imo'amaruire va'ē'oho jaburo nimarue hōjo aēro uvoruomorōhego:Jabumē a masijēro jijihajēromo rajēhiromo jejēmiruomorōhego.

39 O God rajahijarue osare va'ē'oho o sōrō i'i va'ē'oho a masijehu raromaruireē va'o raromo'i nimarue hōjo.

40 Raromo'i nimoromo magonaho doru jabesi bōvioho bise'oho ēma ujuohēharue hōjo.Ujuohoromo sarerivoromo pari ēgobōvie jaguvarue hōjo aēro gēromo uvojōro: Mu mae vaejaruējo.Ēhi jiē'e sareri'e muoho vaejaruego ēhuni God-ro i'u bōrōmo mae bojēmi'ajējo.

Bōvi bise'o rumo'e magonaho doruehu God-ni suvuoro ba'amade jōhoje.

41 Ēhi uēnugoromo Iesuro God-are suvuoro bahijarue bēhire ē va'o hijadeje.

Hiroumouheriho'i gavadeje ae aho'obēhe ijo bajoho ē io'amamu. Bōvi bise'o marohē'e mae jiē'earibōvie aho'obēhe jaburo rueromo ijo baje bōrōme ba'amoromo va'onōvareje.

42 Ēhi'amu magonaho dorue gemuēro rueromo rōvē'e ijo baje niō'i ba'amēvadeje. A'iē monioho ma-bise'e jiadeje.

43 Ba'amēvamu Iesuro ēho garomo hesi ijorajo ōmo'ōmohuro ruejōro uvēvadeje.

Rovamuuēvadeje: Ē bōvi bise'o marohē'e jiē'e aribōviohuro ijo baje aho'o io'amo'i arue bogoeni jiē'e magonahohuro rōvē'e ijo bajoho niō'i ba'amade hōjo. Rōhu God-ro ēhi

uvajëjo: God-are suvuoro io'amare a ioro'iorohuro bisemu bisemu io'amo'i ë bogo eni jië'e magonahodoruohuro bövi mae ba'amade höjo. Na mae uëvajëjo.

44 God-hu ëhi uehorovaje hesi bëhoho ë a ioro'iorohuro inömo marohë'e maëro jië'ëroma-vituohemu bojami'i ë magonahohuro inömo rumo'ëro jië'ëro hesi i i'ibejade moniohoaho'o bojami barëjë'e höjo.

13

Aehu God-are amo börömo dadovoruomo'iröhe jö Iesuhu majëhijadohoje.

1 Èhi'onugoromo Iesuro God-are amo börömore jioromo va'amu gavë'i hesi ijorajoömo'öme röhu ae gemuëro Iesu uavadeje: Tisa aruëroho gavëjo. God-are javu masijo vae'amarohu'ojavu masijo hesi munëhu'o ma-mabëhe jio'amajëjo.

2 Èhi uavamu uavadeje: Ave munë javu masijoho na jemë gavarujëjo. È javuoho aho'obëheaëro dadovoruomo'iramu munëho ahoromo sa'aro ruvebi barë nahonahovo'ajëjo.

Huë vavaeni börömo rueröhe jö Iesuhu majëhijadohoje.

3 Èhi uënuogoromo Iesuro va'oromo Olives Dahorure ajio hiromo gavadeje God-are amobörömo anume jiamu. God-are amo börömo anume jiamu Peter James John Andrew ëhojaburo sivue ajio Iesu'o raromoromo uavareje:

4 Ave jöho majahuego hejarëjo. God-are javu masijehu rireromo'iröhego uövuanohoëho divare jio'a'ajëjo. O no mu rabe garomo uvo'ëjarëjo: Èhi jië'e muoho aho'obëherue'ië'ajëjo.

5 Rue'ië'ajëjamu uëvadeje: Gavë'iajo. Aëro sarerëmi'iramu guaro rireromëvo va'a'ajëjo.

6 Ae aho'obëhe rueromo sarerëmiromo uë'a'aruëjo: Nöruare ihoro rovajëjo. God-huuevë'ëro böröme namiromo ajëmi'irode aho na jevajëjo. Èhi uëromo ae aho'obëhe sarerëmi'iramuvo'a'aruëjo: Mae-ëromo guaro rireromo'ajëjo.

7 O he'irarije muorovo jö ruenövo muorovonövamu hejë'oho nadi juhuonivorëjo. Öregö bogojië'ëro ëhi jië'e mu sisëho iae jio'a'ajëjo. Röhu sa'aho bövioho bise'oho evarohobogo barë'i ëho hesi majae göro jio'a'ajëjo.

8 Sa'ae göëro göhu'o muorovonövo a masijo ioro'iorohuro ioro'iorohu'o muorovonövo'aruëjo. Sa'ae dinö'e dinö'e jiajoho hijiohijiovo'amo'ajëjo. Sa'ae gö gö iruno'e bogojio'ajëjo. Èhi jië'e huë vavaenoho rue'iramu mu sisëho bogo burëroho barë'i a'i magonahehu aevoromoraho'i hara'uajëhi ëhi aho aevoromo huë vavaene börömo baebe va'oruomo'ajëjo.

9 Röhu gavë'i raromorëjo. Aëro guduamo ujuohëvo va'oromo jögoru muebejarue aribövijabesi övore bojëmi'aruëjo. God rajahijarue osa göro göro ë hisuebijëvo'aruëjo. Gavanao sa'are a masijo gö gö jabesi nunire rëmo'iramu nasi jöëni ë riravo'arujëjo nasijöho huruoho majëhi'i.

10 Röhu God-are jö maho aëro sa'ae dinö'e dinö'e majëhibe va'o barë'ajëjo. È muohourimoho jio hesi höjo. Bövi bise'o barë'iröhe majaho ë hesi ijönö jio'a'ajëjo.

11 Röhu jabuhu guduamo ujuohëvo va'amu a masijo jabesi nunire riravë'oho nadi uvorëjo: Na rabu jöë majëhi'ejöromo nurunurumorëjo. Nadi ëhioho ë'i a'i a masijo jabesi nunireriravo'irarije maja rovamu evare God-hu rabu jö jemesi simanore bojëmë'oho ë jöhomajëhirëjo. È hesi bëhoho bogo jemëhu jöho majëhi'irögoro a'i God-are Aru'ahohurojöho simanore bojëmi'iramu jemë ë jöho majëhi'arujëjo.

12 Röhu öhuro öho ae gö jabesi örire bojëminövo'aruëjo muo'amojöro. Vavuohuro abojiharihu'oho ëhi gemuoho ë'a'aruëjo. Aboji harihu'ohuro ri'öromo ae uë'iramu vëmu vavu'ohomuo'amo'aruëjo.

13 O jemëhu na uehorovevarujohuni ae aho'obëhe jaburo jemesi örire nue huodëgoruomo'ajëjo. Röhu ae rahu birivoromo mae uehorovevobe va'ojuvo maja barë'iröhe maja rovë'iroho God-ro baejëvoromo manö bamëvo'ajëjo.

Mu sisë bëhe rueröhe jöhoje.

14 Röhu jemë ga'a'arujëjo God-are osa ijumaje sisëhuro maehu jiaje röhore ëma nami'iramu. È jö Iesuhu majëhijadoho adahoromo avo'avoho gare. Amo Iesuro jö vituoho majëhiromouëvadeje: Sisëhuro maehu jiajire ëma namijamu gavë'oho ave Judea sa'are raromarujearibövioharo huruomoromo dahoru'ero iojioromëne.

15 Ae rahu javu dönö haradare raromë'oho abueromo osare inömo nadi va'o ujuoho'ima-huruomoromo va'orëne.

16 O mure raromë'oho nadi vuonorö'ö va'o niögoho ujuoho'i ma-huruomoromo va'orëne.

17 Röhu ë huë vavaeni rue'iröhe majaroho dë'e magonahohu'o aboji harihu'o

ininojio'amë'e magonahohu'o jabumë vaevë'oho diehi huruomoruomo'ajëjo.

18 Röhu God ua garëjo huro ajëmego ëhuro aho niohijo majaroho bogo huruomo'iröhehëjo.

19 Rabëni hesi bëhoho evare majaroho huë vavaene bogo bise'o vadu'oho rue'a'ajëjo.Ëhi jië'e huë vavaenoho urimo God-hu sa'a bövi bise'o bamadevaroho bogojioe ruejuvoro jaruvo majahu'o ëhi jië'e huë vavaenoho bogohëjo. O ijonöhu'o bogojio'i ë majahogemu böromoho jio'a'ajëjo.

20 Ë huë vavaeni maja ëgobövi jiajoho God bogo tarioromo bunemuoho bamo'ibejajoaho bogo biririvoromo raromo'ibejajo. A'i God-ro hesi baejëvade aribövioho uehorovëvoromoe majaho tarioromo bunemu bamo'i uvë'e hëjo.

21 Ëhi jiamu ae göehu uëvë'oho: Aveho ro gahëjo. O arueho va'o gahëjo. God-hu uavë'ëroböröme namiromo ajamui'iröhe aho aviae o aruae hö uëvë'oho nadi maho uehorovorëjo.

22 Ë hesi bëhoho rabëniajo. Ae aho'obëhe rueromo sarerëmiromo uëbe va'a'aruëjo:God-hu uevë'ëro böromë namiromo ajëmi'irode aho jevajëjo o jö God-aro baeromo majëhijajae uevajëjo. Sarerëmiromo ëhi majëhiroho bogo gavarue mu masijoho vaenövo'aruëjo enijëvego God-hu sjëvade aribövioho sarerëmego rireromo'iröhego.

23 Röhu jemëro avoho mueberovorëjo. Ijonö jioröhe jöho na urimo majëhijë'e jevajëjo.Ëhuni sareri'e jöho nadi maho uehorovorëjo.

God-are A Maehu rueröhe jöhoje.

24 Röhu ë huë vavaeni majaho barë'iramu evare maja nunoho ramoramovoromo manaerohoduorohoromo

25 jijoho sisërë'amoromo ö'idöre inömoaho aho'o arua anumiae va'o'amo'ajëjo.

26 Ëhi'o'iramu sa'are raromarue ariböviohuro ae aho'obëhe ga'a'aruëjo God-are AMaho narö darugo'o aji'o böromö mae baeromo suere ruvebi'iramu.

27 Ruvebiromo nasi aneraho rëmö'ö'iramu ro God-hu sjëvade aribövioho gagovëvo'aruëjo.Arua anumiae sa'ae dinö'e dinö'e maja rojomajire beva'ajire jioruomajoho gagovëvo'aruëjo.

Mesehu gumutivego Jew rajo jabesi vama maja dunovaje uhu jöhoje.

28 Röhu meso hesi uhu jöho heromo bëhoho avoho uehorovorëjo. Gavaruje mesoho gumutivoromorahego garomo evare jemë uvaruje hëjo: Jew rajo nosi vama majaho iae dunovajëjo.

29 Ë hesi bëhoho jemë ga'irarije naehu uëvodëhi mue gö gö rovamu gavë'iroho uvorëjo:Ë majaho iae rovajëjo.

30 Ave jöho na jö mae uë'ië'ajëjo. Ave jaruvore raromaruje aribövioho jemë bogovuovo barëjë'iro evare naehu uëvaje mue aho'obëhe rue'a'ajëjo.

31 Ö'idöe sa'ae bövie bise'e barë'i nasi jöho gemu bogo barë'ajëjo.

Iesuhu vuonorö'ö rueröhe maja no bogo gavarue jöhoje.

32 Röhu ë majaho divare jio'iröhoho aho bogo gavaruëjo. Ö'idöre raromarue anerahu'oHarihoho na'o bogo ga'i hesi Vavuohuro gemuëro gavajëjo.

33 Avoho mueberovorëjo. Gavë'iajo. Jemë'o ë majaho bogo gavarujëjo.

34 Ë hesi jöho uhu'e majëhi'ië'ajëjo avoho he'irarijego. Ae gemuëro öre gö va'ië'ajëjo.Amore jioromo va'ië'iroho hesi mu vaejharue aribövioho ae gö gö mue gö gö bojëmibe va'a'ajëjo jaburo simane vaeromo ë muoho muebejaho'iröhego. Bojëmibe va'oromo hesiosa ojo muebejaje aho ua'a'ajëjo: Ojoho avo'avoho muebenëjo. Osa arijo'ohuro ëhi ë'a'ajëjo.

35 Ë hesi bëhoho na ë osa arijo'oho va'ëne jevajëjo. Na divare vuonorö'ö rue'irodohojemë bogo gavarujëjo. Nani vö'ö'e o vahi riri'e o sisonuvo'i titimo'iramu o

sisonuvo'iramurue'ejëjo. Jemë bogo gavarujëjo. Ëhuni muoho avo'avoho mueberëjo.

36 O bogo nuni jioromo mu avoho muebejë'oho nani na ma-majioho rue'i ga'ejëjo jemëmomorö'ö uro'amë'e jëvo'iramu.

37 Na jemë uëvajëhi ae aho'obëhe ëhi gemuoho uëvajëjo: Nune jioromo muoho avo'avohomueberëjo.

14

Jew rajo a masijehu Iesu ano'i jö mevare jöhoje.

1 Iae God-hu Vörö Tugohade Sörö o I Dë Huaje Oso Rumo'e Sörö jiamëhi i'iröhohojio'i röhu jaruvëhi priest masijohu'o Jew rajo jögoru öri röjêhijarue ariböviohu'oëho jaburo öre nahareje Iesu saginiëri guduamoromo ano'iröhëro.

2 Öre nahoromo uarovareje: Sörö majaroho bogo guduamo'ejarëjo aëro göromo no'omuorovojöëni.

Magonahe gemuehu ridi'e jovehu Iesuare simanore otehodivade jöhoje.

3 Èhi'amu Iesuro Bethany amore rueromo sino jomo'e ae Simon-are osare ro hiromoie ijadeje. Ie ijamu gagorovo magonahe gemuëro munë huono mabëhe baeromo rovadeje. È huono gagore ridi'e osoho jië'e jiadeje. Osoho bogo jovo'oho buarohë'e ma-oso maemujiadeje. Oso ihoho nard jiadeje. Röhu hesi manaho bogo bise'o vadu'oho jiadeje. Magonahohuroë munë gagore jiaje osoho barueromo munëho hahovoromo Iesuare simanore otehadaje.

4 Simanore otehamu gagorovo ae göëro göëro dë vörönëgamu jö sisë atoromo uarovareje: È magonahoho rabëni osoho ëma otehö'öjajëjo.

5 Aro imo'ibejarëjo 300 kina iosiramijë'e manaho bövi mae bae'ibejarëjo. È manahobaeromo bövi bise'o rumo'e ariböviohuo suvuorëmi'ibejarëjo. Èhi jië'oho iae mae jio'ibejajo. Röhu huro ëma otehö'öjade höjo. Èhi uarovoromo magonahoho birevareje.

6 Birevamu hegorovo Iesuro uëvadeje: È magonaho birevarujoho vuonugohëjo. Jemërabëni magonahoho huë vavaenoho bojamiarujëjo. Huro na mabëhe avohevë'e höjo.

7 Bövi bise'o rumo'e ariböviohuo jemë'o raromobe jijihö'aruëjo. Jemesi nimoromojabumë ajëmi'ë'oho iae jemë eni jëvaje höjo. A'i naro jemë'oho bogo hibe juvo'ejöjo. Ijonö èhi avohevo'irarijoho bogo eni jëvo'ajëjo.

8 È magonahohuro rabe eni jiadoho èho nasi örire mae avohevade höjo. Mae avohevoromooosi nasi sinore otehadaje hesi bëhoho nasi sinoho avohehade höjo èhuro nasi sinoho maejevego aëro hure bamevoruomoröhego.

9 Ave jöho na jö mae uë'ië'ajëjo. Sa'ae dinö'e dinö'e aehu nasi jö ma majëhibejijihë'iroho è magonahehu è'ade jöhu'o majëhibe jijihö'aruëjo aëro hu mae uehorovoromoröhego.

Judas-hu Iesuni Jew rajo a masijo hiruëmade jöhoje.

10 Èhi'amu Iesuare ijoraje 12 röhu gemuëro Judas Iscariot-ro va'oromo priest masijohouëvadeje: Jemë nëgë'oho na Iesu jemesi övore bojëmi'ejöjo.

11 Bojëmi'ejöjamu hegorovo nimorohoromo uavareje: Iae mae höjo. Èhi jië'oho noiyo baje mana bojami'ejarëjo. Èhi uavamu hegorovo Judas-ro öre nahadeje Iesu jabesiövore bojëmi'iröhëro.

God-hu Vörö Tugohade Sörö Iesumëhu ijare jöhoje.

12 I Dë Huaje Oso Rumo'e I ibe va'iröhe majaho aevoromo rovadeje. Aevoromo rovajemajaho rue'ego Jew rajëro sheep harihoho muo'amonövareje God-hu Vörö Tugohade Söröhoi'iro. Amo è majaho rovamu gagorovo Iesuare ijorajoho jaburo Iesu uavareje: Ja nagajohono dinö'e va'oromo söröho avohaho'ejarëjo.

13 Avoho'ejarëjamu Iesuro hesi ijorajoho niö'i uëvadeje: Jerusalem amo börömorova'orëjo. Va'i ga'a'arujëjo aëro jovo'e ramaho simanëro baeromo ro birohëvo'iramu.

14 Ro birohëvego va'oromo ga'irarije hu di osare rumo va'ego gagorovo jemë'o ëosaro va'oromo osa arijo'oho uarëjo: Tisahuro uvade höjo: Osaho dinö'e höjo naehunasi ijorajoho jabu'o gemu mae sörö i'irodoho. Èhi uarëjo.

15 Èhi ua'iramu osa arijo'ohuro jemë hu'iraejëvoromo vuahure ajiomoromo döre osabörömo ro röjêhi'a'ajëjo. Röjêhi'iramu ga'a'arujëjo maratue bövie bise'e eni avohoromobahijë'e jio'iramu. Èhi jiamu gavë'iroho è dirö'oro söröho avohorëjo jemë'o no'o èi'iröhe.

16 Èhi uëvamu rue ae niö'iohuo ri'öromo Jerusalem va'areje. Va'oromo gavare Iesuhuuëvadëhi böviohu bise'oho èhi jiamu gagorovo söröho avohareje.

17 Ĕhi'amu vahiromadeje. Vahiromamu gagorovo Iesuro hesi iJORaje 12-ho jabu'o gemumae rovadeje.
 18 Rueromo ioho ijĕ'i Iesuro uĕvadeje: Ave jĕho na jĕ mae uĕ'iĕ'ajĕjo. Jemĕ aegemuĕro na bijĕnegarue aribĕvi jabesi ĕvore bojĕmi'anuĕjo. Ĕ aho ja aviae na'o ieianuĕjo.
 19 Ie ijanuĕjamu hegorovo jaburo uehore gĕ gĕ baeromo ae gemuĕro gemuĕro uavareje:Na bogo ĕhioho ĕ'ejĕjo. Na na mae uavajĕjo.
 20 Mae uavajĕjamu hegorovo uĕvadeje: Ae aho'obĕhe 12 rĕhu gemu naehu i hevĕre ba'amo'egohu'o gemuore ba'amaje ahuro ĕ mu sisĕho vae'a'ajĕjo.
 21 God-are surire jajivarĕhi hesi A Maho na ĕhi guomevo'ajĕjo. Rĕhu na bijĕnegaruearibĕvi jabesi ĕvore bojĕmi'irĕhe aho vaevĕ'oho sisĕrĕ'ajĕjo. Ĕ aho bogo raho'ibejajoĕhuro mae jio'ibejajo.

Sino'o kĕ'o aevoromo ijare jĕhoje.

22 Ĕhi uĕnugoromo ioho ue'ahoromo Iesuro ioho baeromo God mae uanugoromo ato'atovoromohesi aribĕvioho suvuorĕmiromu uĕvadeje: Baehĕjo. Aveho nasi sine hĕjo.
 23 Ĕhi'onugoromo enatuore jovoho baeromo God mae uanugoromo bojĕmadeje. Bojĕmamuae aho'obĕhe ĕ jovoho ibe rova'areje.
 24 Ibe rova'amu Iesuro uĕvadeje: Aveho nasi kĕe hĕjo. Ae aho'o jemesi jĕĕni kĕhorovevoromo guomevo'ajĕjo. Guomevo'iramu ĕhuro God-hu jemĕ muebejĕvo'irĕhe jĕgorohomarĕ'ajĕjo.
 25 Rĕhu ave jĕho na jĕ mae uĕ'iĕ'ajĕjo. Na ijoho ĕ'i bajo jovoho bogo i'ejĕjo hujejiĕho majaho rovego evare na God-hu muebejaje ĕri ari'ere hiromu ĕ'i bajo jovo i'ohoi'irodĕni.
 26 Ĕhi uĕnugoromo God rajahijarue jĕho ioruomoromo suorovo va'oromo Olives Dahorureiojiomareje.

Peter-hu Iesu gavaje jĕ a subivĕhorĕhe jĕ Iesuhu majahijadohoje.

27 Olives Dahorure iojioromomo Iesuro hesi aribĕvioho uĕvadeje: Jemĕ ae aho'obĕhenasi ĕrire mae uehorovevarujoho vuonugo'i remu va'a'arujĕjo. Ĕ hesi bĕhoho God-aresurire jĕho jajivoromo uvĕ'e hĕjo: Sheep muebe'amaje aho God naru ano'ejĕjo. Ano'iramuhuhu muebe'amade sheep-oho jaburo arua anumiae va'o'amo'ajĕjo. God-are jĕ jiajĕhiĕhi remu va'a'arujĕjo.
 28 Remu va'iramu guomoromo ri'onugoromo naru urimu Galilee va'ejĕjo. Jemĕ ijoreĕ'a'arujĕjo.
 29 Ĕhi uĕvamu Peter-ro ri'ĕromu uavadeje: Nani a ioro'ioroho jasi ĕrire uehorovaruhovuonugo'i ramo va'a'aruĕjo rĕhu na bogo ĕhioho ĕ'ejĕjo.
 30 Bogo ĕhioho ĕ'ejĕjamu Iesuro Peter uavadeje: Ĕhi uevanuĕjo rĕhu ave jĕho najĕ mae ua'iĕ'ajĕjo. Jaruvo vahire kĕkĕrĕkoho bogo urimoho vae niĕ'i uvĕ'e jero urimovae niĕ'i gemu ae uĕ'a'anuĕjo: Na Iesu bogo gavaje hĕjo.
 31 Ĕhi uĕ'a'anuĕjamu hegorovo Peter-ro ma-darugo'o uavadeje: O na bogo ĕhioho ĕ'ejĕjo.Aehu anegamu ja'o gemuore guomo'iĕ'iroho na bogo ĕhioho majĕhi'ejĕjo. Bogo majĕhi'ejĕjamuIesuarue aribĕvi ioro'ioroho aho'o jabu'o ĕhi gemuoho Iesu uaruomadeje.

Iesuhu Gethsemane sa'are hiromu God-are ĕrire ĕninamijade jĕhoje.

32 Ĕhi uanugoromo Iesu'o hesi aribĕviohu'o va'oromo ĕri ari'o ihe Gethsemane rovereje.Rueromo Iesuro uĕvadeje: Avehuro raromohego na aruĕre va'oromo God-are ĕrire jĕe jĕvĕjo.
 33 Ĕhi uĕnugoromo Peter James John ĕhi sĕ ujuoho va'oromo hesi dĕ vĕvĕbajo'o uhurehuĕ vavaene aho'o rovamu sisĕ maro nurunurumadeje.
 34 Nurunurumoromo uĕvadeje: Na sisĕ maro huĕ vavaene baejevajĕjo. Ĕhuro guomevohesi hĕjo. Ĕhuni nadi momorĕ'ĕ'i ma-nune jioromo na'o gemuoro avoho mueberovĕ'e raromohĕjo.
 35 Ĕhi uĕnugoromo rori'o ĕgo'o va'oromo sa'are behumoromo God ĕninamijadeje ĕhuroeni jiego vi'ehoho bogo bae'irĕhĕni.
 36 Ĕninamiromu uavadeje: Apo mue aho'o vae'iranoho ja eni javajĕjo. Ĕhuni i'uehuĕ vavaene nasi ĕrire rovajoho ahego na bogo bae'irĕjo. Rĕhu naehu nimajoho nadiĕ'i jaeu nimanuĕhi ĕhi ĕ'onĕjo.

37 Ĕhi ĕninaminugoromo vuonorĕ'ĕ rueromo gavade hesi ae niĕ'i gemu

momorö'öjamugëgorovo Peter uavadeje: Simon-ajo. Rabëni niavanuëjo. Majae ma-bunemu nune jioromomueberovë'e hi'irano ho ja diehi'oromo bogo eni javajëjo.
38 Jemëro nune jioromo mueberomo ëninamihego God-ro ajëmego Satan-ro bogo dinëmegoëhuro bogo bejëvo'irajo. Jemesi aru'ahoho mu mae vae'i nimo'i jemesi sino haho'ohou'uhë'e höjo.

39 Ëhi uëngoromo röhu maho va'oromo urimo ëninamiromo uavade jöe gemuoho ëninamijadeje.
40 Ëninaminugoromo vuonorö'ö rueromo gavadeje jabumë nunëhimo'amo'ego momorö'öjamu. Rueho jaburo momorö'öjë'ëro ri'öromo Iesuare örire jö mana ua'iröho ho dadivëvadeje.

41 Dadivëvamu Iesuro urimë'i vae niö'i va'oromo ëninamijadoho röhu maho va'oromoëninamijadeje. Ëninaminugoromo rueromo uëvadeje: Jemë diehi'oromo ma-momorö'öemu momorö'öjarujëjo. Iae mino'ëjo. Iae barëjajëjo. Majaho mami'e rovë'e höjo. Aëro God-are A Maho na bijönegaruearibövi jabesi övore bojëmi'ie'ajëjo.
42 Ri'öromo go va'ohëgo va'arëjo. Gahëjo. Na bijönegarue aribövi jabesi övore bojëmi'iröheaho rovajëjo.

Iesu guduamare jöhoje.

43 Ëhi uëvamu gavë'i Judas rovadeje. Iesuare ijoraje aho'obëhe 12 röhu Judas hu'ojabesi ae gemuoho jadeje. Judas rovamu ae aho'obëhe siravae kepatae ujuohoromo hu'oruero madeje priest masijohu'o Jew rajo jögoru öri röjëhijarue ariböviohu'o a duvahoioro'iorohu'o ëho jaburo rëmö'öjë'ëro.
44 Röhu urimë'i ë sareri'e aho Judas-ro ë aribövioho uëvadeje: Ga'irarije narodi aho dudöhamu gavë'oho uvorëjo: Iae Iesu höromo guduamoromo hu'iraeromo avoho muebebeva'orëjo.

45 Judas-ro ëhi uëvë'ëro huro rueromo ma-burëro ro Iesu jejamiromo Bada uavë'idudöhadeje.
46 Dudöhamu gavë'i ë ariböviohuro Iesu guduamareje.
47 Guduamamu ae gemu Iesuare bëhire namijadohuro hesi kaejöhö jijöromo priest börömo hesi mu vaejaje aho anoromo hia'oho tariö'öjahadeje.

48 Ëhi'amu Iesuro ë ruero made aribövioho uëvadeje: Aveho na bogo vajiohu'e anano'eaehu jevajëjo. Jemë rabëni siravaho kepataho ujuohoromo guduamevo'i rovarujëjo.
49 Mami'e majae aho'o naehu God-are amo börömore hiromo God-are jö hesi öri a röjëhinövodohojemë evaroho bogo guduamevarije höjo. Röhu jemëhu vaejaruje muoho ë hesi jö God-aresurire jajivarëhi muoho ëhi jioröhego ëhuni ave muoho rovë'e höjo.
50 Ëhi uëvamu hesi ijoraje aho'obëhe hu nugo'i huruomoromo va'areje.

51 Va'amu a i'e gemuëro niöge hane gemu ruohë'e Iesuare ijore va'adeje. Iesuare ijore va'amu aëro guduamo'ia'amu
52 niögohö jaho bu'önugoromo dë'ahobatëremu ju'ebiro mo va'adeje.

Iesu Jew rajo a masijo jabesi nunire namijade jöhoje.

53 Ëhi'amu Iesu hu'irae rueromo priest börömo hesi osare rovareje. Ë osare priestmasijohö a duvaho ömo'ömo ho jögoru öri röjëhijarue aribövioho ë aribövioho aho'obëhejaburo ë gemuoro gagovareje.
54 Iesu priest börömo hesi osare barovamu Peter-ro arue riribövire Iesu rihioromopriest börömo hesi osare rovadeje. Rueromo osare rumo va'oromo abo osa ririre ruënumë javue vae'i riroho ma-va'oraho nugarire ë va'oromo priest hesi mu vaeruomajeariböviohu'o gemuore hiromo vënoho jurovadeje.
55 Ëhi'amu priest masijohu'o a masijo ioro'iorohu'o ae nahareje jaburo huruohomajëhiromo uëröhego: Iesuro ëhi jë'e mu sisëho vaejamu gavare höjego heromo Iesuanego guomoröhego. Nahareje röhu jö sisëho bogo birohareje.
56 Ae aho'o sarerëmiromo Iesuare jö sisëho majëhiromo ae göëro göëro jöe gö gömajëhijareje.

57 Ae göëro göëro jöe gö gömajëhijuvo a ioro'ioröro ri'öromo sarerëmiromo Iesuarejö

sisëho huruoho majëhiromo uëvareje:

58 È ahuro ëhi uvavohijajo: Ave God-are javu bërömo naro dadovo'ejöjo.

Dadovoromomajae niö'i gemu hesi uhure javu i'oho vae'ejöjo. Urimore javuoho aëro övëro vaejarehöjo. A'i ijore javuoho ëho bogo övehu vaejë'oho jio'a'ajëjo. Èhi uvade höjo.

59 Jöho ëhi majëhijareje röhu jabu'o jöe bogo gemuoho majëhi'i ae göëro göëro jöegö gö majëhijareje.

60 Jöe gö gö majëhijamu hegoroovo priest bërömo huro ri'öromo ae aho'obëhe jabetesininö va'o namiromo Iesu uavadeje: Na ja jö mana uö'iranoho bogojavajëjo. Aehu jasijö sisë majahuijaruoho na ëho mae o sarere höjo.

61 Mae o sarere höjamu Iesuro jöho bogo mana ua'i ma-jörume namijadeje.

Jörumenamijamu priest bërömo huro röhu maho jöe gö bu'öromo bijioho garomo uavadeje: Bërömenamiromo ajamuijanue aho na ja javajëjo. Na ja noehu rajahijarue A hesi Hariho javajëjo.

62 Javajëjamu uavadeje: Iae na ë aho jevajëjo. Röhu u'emu jemëro ge'a'arujëjo God-areA Maho naro darugo eni jië'e A hesi övo manö hi'iramu. Ö'idöre jio'amaje suehu'o gemumae ruvebi'iramu.

63 Èhi uavamu hegoroovo rue priest bërömo huro hesi niögohu dadovoromo uëvadeje: Iae eni jië'e höjo. A göho rabëni rueromo hesi jöho huruoho majahuijöräjo. Iae noeni hejë'e javuajëjo.

64 God-are iho ijumajoho jemë'o iae hejarujëjo. Èhuni jemë diehi uehorovarujëjo. Diehi uehorovarujëjamu uavareje: Jö sareri'e aego ano'iramu guomo'a'ajëjo.

65 Èhi uanugoromo a ioro'iorëro ri'öromo Iesu sabëro ödivoromo nunoho

tugohahoromoövo mugö mugöëro anareje. Anoromo sivoromo uavareje: Na jö God-aro baeromo majëhijajae jevajë uövanue javaje ëhuni anagare aribövi jabetesi ihoho huruoho majahuijago hejarëjo. Èhi uavamu Iesu atovarue ariböviohuro Iesu baeromo sisë maro ano'i arijareje.

Peter-hu Iesu gavaje jö a subivëhade jöhoje.

66 Èhi'amu Peter-ro anume aehu raramaruire ë hijadeje. Hijamu priest bërömo muajamijarue magonahoho röhu gemuëro rovadeje.

67 Rueromo gavade Peter hiromo vëne jurovamu gagorovo ërimahoromo uavadeje: Ja'o Nazareth amo rajo ae Iesu'o gemu mae javade höjo.

68 Javade höjamu Peter-ro magonahoho sareramiromo uavadeje: Jaehu jövanue jö hesibëhoho na bogo garomo bogo hejajëjo. Èhi uanugoromo ojonö va'o namijadeje. [Namijamukököröke uvadeje.]

69 Amo Peter-ro ëhi namijamu gagorovo priest bërömo mu ajamijaje magonahohuro Petergaromo hesi bëhire riravarue aribövioho uëvadeje: È aho Iesuarue aribövi jabetesi aegemuoho höjo.

70 Iesuarue aribövi jabetesi ae gemuoho höjamu Peter-ro röhu maho sareramiromo uavadeje: Na bogajo.

Èhi uavadoho ririvanovamu bëhire riravaroho jaburo Peter uavareje: Iae mae-ëjo. Iesuarue aribövi jabetesi ae gemuoho javajëjo. Ja'o hu'o Galilee sa'a raje jëvë'ego ëhuniuavaruëjo.

71 Uavaruëjamu Peter-ro uëvadeje: Na jemë sarerëmijë'oho i'ue baejöëni ëhuni najö mae uëvajëjo. Jemëhu uevaruje aho na bogo gavaje höjo.

72 Bogo gavaje höjamu gavë'i kököröko urimo vae gemu uvadoho röhu maho uvadeje. Uvamu hegoro Peter-ro uehorovoromo uvadeje: O mami'e Iesuro uevade höjo: Kökörökohobogo urimoho vae niö'i uvë'e jero urimo vae niö'i gemu ae uë'a'anuëjo: Na Iesu bogogavaje höjo. Èhi uehorovoromo sisë maro nivadeje.

15

Iesu Pilate-are nunire namijade jöhoje.

1 Iae sisonuvo'ia'amu gagorovo priest masijohuro a duvaho ömo'ömo huro Jew rajojögöru öri röjëhijarue ariböviohuro jö mevarue a masijo ioro'iorohuro ëho jaburo gemuoregagovoromo jöe mevoromo uvoruomadeje: No Iesuarue örire ëhi ëhi ë'ëjarëjo. Èhi mevoromoeni jiamu gagorovo Iesu tövoromo bava'oromo Pilate-are övore bamareje.

2 Bamamu Pilate-ro Iesu uavadeje: Na ja Jew rajo jabetesi a bërömo javajëjo. Javajëjamu Iesuro uavadeje: È jöho jero jasi jövanuëjo.

3 Ĕhi uavamu priest masijohuro Pilate sareramiromo Iesuare jō sisēho aho'obēhehuruoho majahijareje.

4 Majahijamu Pilate-ro Iesu rōhu maho jōe ua garomo uavadeje: Jasi jō sisē aho'obēhemajehijaruoho ja hejanuējo. Na ja jō mana majēhi'iranoho bogojavajējo.

5 Bogojavajējamu Iesu jōho bogo mana majēhamu Pilate-ro uvadeje: Diehi'oromo jōhobogo jōvajēromo tiōjadeje.

Iesu anego guomojōro Pilate-hu uēvade jōhoje.

6 Rōhu God-hu Vōrō Tugohade Sōrō maja rov'iroho savoji gagore raromarue aribōviahodi aho jiovo nugō'ōjōro aehu uvoruomē'oho Pilate-ro ē aho jiovo nugō'ōnōvadeje.

7 Rōhu ae gemu hesi ihe Barabbas savoji gagore hijadeje. Urimē'i sa'are a masijohu'omuorovare majaho jiamu ae aho'o sa'are a masijohu'o muorovoromo ae muo'amareje. Aemu'amē'ēro savoji gagore raromareje. Rōhu ae gemu Barabbas jiadeje.

8 Barabbas savoji gagore hijamu amonō gagovoromo riravare aribōvioho ae aho'obēhejaburo rueromo Pilate uavareje: Savoji gagore raromaruoho noehu uavego jiovo nugō'ōjahuanuēhiēhi ē'onējo.

9-10 Ĕhi ē'onējamu Pilate-ro gēromo uvadeje: Iesuare ihoho bōvie jiē'ego priestmasijohuro dē vōrōnēgamu nasi ōvore bojemijare hō uvoromo uēvadeje: Na jemē nēgajējonaro Jew rajo jemesi a bōrōmoho jiovo nugō'ōjōro.

11 Ĕhi uēvamu priest masijohuro ae aho'obēhe birivoromo dinēmijamu hegorovo jaburouvoruomadeje: Iesu vuonugo'i Barabbas jiovo nugō'ōjējo.

12 Ĕhi uvoruomamu hegorovo Pilate-ro uēvadeje: Ĕhi jiē'oho jemēhu uvarujoho: Jewrajo nosi a bōrōme hō uvaruje ē aho na diehi'o'ejōjo.

13 Diehi'o'ejōjamu uvoruomadeje: Korosioro anego guomajo.

14 Guomajamu Pilate-ro uēvadeje: Rabēniajo. Diehi jiē'e mu sisē vaejē'e hōjo.

Vaejē'ehōjamu ma-darugo ma'e uvo'i arijareje: Korosioro anego guomajo.

15 Guomajamu hegorovo Pilate-ro ē aribōvioho aho'obēhe sanuēmi'i nimamu Barabbasjiovo nugō'ōjadeje. Barabbas jiovo nugō'ō'i Iesu hisuebijōro uēnugoromo uēvadeje: Ave aho bava'oromo korosioro anohego guomajo.

Muorovo aribōviehu Iesu sivare jōhoje.

16 Ĕhi uēvamu rue muorovo aribōviahuro Iesu hu'irae bava'oromo gavanare osa bōrōmoreva'areje. Osa bōrōmo hesi ihoho praetorium uvonōvareje. Va'oromo jabesi muorovo aribōviahunijōe nugō'ōromo uēvareje: Jemē aho'o avehuro ro gagovohējamugo ro gagovareje.

17 Gagovoromo Iesu sivo'irōgoro sa'are a masijehu kavuē'e niōgu ēgo io'amoromomu vaejarue ēhi jiē'e niōgoho Iesu ba'amahareje. Ba'amahoromo a masijehu bosō didi'arueēhi jiē'e bosōho Iesuare simanore didi'ahareje. Rōhu bogo inōmo maho baeromo bosōhoavohaho'i bibē'e ijo hisuoho ujuohoromo huoromo simanore ba'amahareje.

18 Ĕhi'onugoromo sivoromo jejamiromo uavareje: Jew rajo jabesi bōrōmoho vaevē'ehijanuējo.

19 Vaevē'e hijanuēromo ijahēro simanore anoromo sabēro ōdivoromo ēma sarere agueaho raromoromo rajahijareje.

20 Ĕhi sivoruomoromo niōgu ēgoho jijōvaho'i hesi niōgu maho io'amahoromo osarejioromo hu'irae bava'areje korosire ano taemo'i.

Iesu korosire ano taemare jōhoje.

21 Bava'oromo ōrire va'ihō gavareje ae gemu hesi ihe Simon muro jiē'ēro rovamu. Rōhu Simon hu Cyrene sa'a rajo ae jiadeje. Hu Alexander'o Rufus'o jabesi vavue jiadeje. Amo Simon-ro ōrire rovamu gagorovo muorovo aribōviahuro hu garomo ōvēro bijimō'ōromouavareje: Ave a hesi korosioho baeromo va'ējo.

22 Baeromo va'ējamu ejēhoromo baeromo jabumē aho'o va'aroho ajiomoromo sa'a iheGolgotha nosi huēhu huotovē'oho simano gijo va'ēne sa'are ē ajio surovareje.

23 Suorovonugoromo wine jovohu'o myrrh osohu'o buaroharoho Iesu bojamareje hesivi'ehoho bisemu u'uhorōhego. Bojamamu juahēmadeje.

24 Juahēmamu korosire ano taemareje. Ano taemoromo hesi niōgoho adovoromo ajajovarejega'i di aho di niōgoho bae hesi jiego. Ajajovonugoromo niōgoho ujuohareje.

25 Rōhu Iesu korosire ano taemare majaho 9 o'clock sisonu'e jiadeje.

26 O Iesuare jö sisêho jajivoromo êhi uvê'e jiareje: Ave aho Jew rajo jabesi abörömo ho höjo.

27 Röhu aëro anano'e vajiohu'e ae niö'i jabu'o korosire ano taemëvoromo göho ruëhi Iesuare övo manö göho viëhi övo adonö êhi amëvareje.

28 [Amëvamu Iesu ë a sisë niö'i jabesi ririre korosire iromadeje. A sisë jabesiririre iromadohuro êhuro êhi ë'iröhego God-are surire jö aehu jajivadëhi iae êhi jiadeje. God-are surire jöho jajivoromo uvê'eje: Aëro uvoruomë'e höjo: Hu jö ahoruomaje ariböviohu'ogemuore höjo.]

29 Êhi'amu aëro rova'ë'i uvene hijiohijiovoromo sivoromo uvoruomonövadeje: Asë'esareri ae javajëjo. Jero uvane höjo: Naro God-are osa börömo ho dadovoromo majae niö'igemu hesi uhure röhu maho vae barë'ejöjo.

30 Êhi uvê'e javaje êhuni jasi sinoho ajamirovoromo korosire javajoho ruvebijëjo. Sivoromo êhi uvoruomadeje.

31 Jabuhu sivarëhi priest masijohu'o jögoru öri röjëhijarue ariböviohu'o êhi sivoromouarovareje: Ê ahuro uövuade höjo: Naro a ioro'ioro ho ajëmego marëjëvaje höjo. Êhiuövuade höjo röhu hesi sino ajamirovë'o ho hu bogo eni höjo.

32 Huro uövuade höjo: Böröme namiromo jemë ajëmaje aho na jevajëjo. Israel rajojemesi börömo ho na jevajëjo. Êhuni nadi'ego hu korosire jioromo ruvebijego no garomohu mae uehorovarëjo. Êhi uarovamu ë ae niö'i hesi bëhire korosi'o amëvare aho jabu'o Iesu sivareje.

Iesu guomade jöhoje.

33 Êhi'amu maja ririre öri ari'e aho'o ramoramovadeje. Ramoramovobe va'ujuvo majae huotorovamu gavë'i ajivadeje.

34 Majae huotorovoromo ajivamu gavë'i Iesuro Jew rajo jabesi jöëro ma-darugo'ouvadeje: Eloiajo. Eloiajo. Lema sabaktaniajo. Nosi jöehu huotovë'o ho God nasi Böviohajo. God nasi Böviohajo. Ja rabëni remo va'ane höjo.

35 Remo va'ane höjamu bëhire riravare a ioro'ioro huro hejare uvavamu: Eloia uvamuheromo uarovareje: Êho hehëjo. Elijah-ni uvajëjo.

36 Êhi uarovoromo ae gemuëro tutuvo va'oromo u'uhë'e inömo ho barueromo nioga'i'ewine jovore ba'amoromo rumorovamu ioromo ijaho viture bijiohoromo Iesu bojami'ië'adeje. Bojami'ië'oromo aribövioho uëvadeje: Nadi'ego no gavarëjo Elijah-ro God-arire jioromoro Iesu juvo baruvebijego o bogo.

37 Êhi uëvamu Iesuro jö'e dadovoromo guomadeje.

38 Guomamu gavë'i God-are osa börömo ojo göho gagonö jiajoho niögehu tugoharohoarorovo ruvebijadeje.

39 Êhi'amu muorovo simano vaejaje ahuro Iesuare nuninö namiromo gavade Iesu êhi'oromoguomamu gagorovo uvadeje: Iae mae-ëjo. Ave aho God-are Harihe jiade höjo.

40 Êhi'amu magonaho ömo'ömo huro arue riribövire riravoromo Iesu diehi'aruoho garuomadeje. Mary Magdalene o Mary göho James a i'o o Joses jabesi vëmoho o Salome o magonaho ioro'ioro ho êhi jioruomadeje.

41 Urimë'i Iesu Galilee sa'are hijadevare evare ë magonaho ömo'ömo huro bövie bise'eajamibe hesi ijore ijore jijihonövareje. Êhi ë'ë'ëro ë magonahohu'o magonaho ioro'ioro hu'oaho'obëhe Jerusalem amore hu'o gemu mae rovë'ëro ë riravoromo garuomadeje.

Iesuare sino munë gagore bamare jöhoje.

42 Röhu ë majaho bövi bise'o avoho'amarue majae jiadeje nëröho nuhoromo God rajahi'iröhëro. Ê majaho garobo'e bamadeje.

43 Nuho majae rue'ia'amu majae garobo'e bamamu gagorovo Arimathea amo raje ae gemu hesi ihe Joseph-ro va'adeje. Hu Jew rajo jabesi a duvahëro jië'ëro Jew rajo a masijoioro'ioro hu'o hiromo jöe mevonövadeje. Jöe mevo'ego ae aho'obëhe hesi örire mae uehorovonövareje. Röhu ae göehu göehu ë'aruëhi hu'o êhi muebejë'e hijadeje God-ro ro böröme namiromoaho'obëhe muebejëvoröhego. Joseph êhi jië'e ae jiadeje. Êhi jië'e aëro jië'ëro hurobiririvoromo va'oromo Pilate uavadeje: Uevego na Iesuare sinoho bae'iröjo.

44 Iesuare sinoho bae'iröjumu Pilate-ro tiöromo uvadeje: Iesu diehi'oromo ma-burërohoguomade höjo. Ëhi uvoromo jöe nugö'öjumu Iesu muebejade muorovo ahuro rovadeje. RovamuPilate-ro uavadeje: Na Iesu mami'e guomë'e höjo.

45 Guomë'e höjumu ruehuro uavadeje: Iae guomë'e höjumu hegorovo Joseph uavadeje:Jaehu Iesuare sino baejë'oho iae mae höjo.

46 Iae mae höjumu Joseph-ro va'oromo niögu mabëhe imoromo guomë'e sinoho baruvebiromoniögohuro numadeje. Niögohuro nomoromo munë ubuvarire ë bamadeje. Bamoromo munë höhöbarueromo ojoho tugohadeje.

47 Ëhi'amu Mary Magdalene'o Joses-are vëmoho Mary'o jaburo niö'iro ariromo gavarejeIesu ë dirö'ore bamamu.

16

Iesuhu ri'öjade jöhoje.

1 Iae Jew rajo jabesi nuho majaho barëjadeje. Jew rajo jabesi nuho majaho barëjumuMary Magdalene o Mary göho James-are vëmoho o Salome ëho jaburo va'oromo ridi'e osohoimareje va'oromo Iesuare sinore otehoröhëro.

2 Imë'ëro hura börömore sue'o majae rojomamu gagorovo ri'öromo Iesuare sino bamarireva'areje.

3 Va'ë'i uarovareje: Raro ojo tugohare munëho rori'o höhö baejahuo va'a'ajëjo.

4 Ëhi uarovoromo avoho ga'i gavareje mami'e rori'o bava'ë'e jiamu. Röhu ë munëhoböröme jiadeje.

5 Bava'ë'e jiamu gagoro va'o munë gagore rumo va'oromo gavareje rue jabesi övomanö a i'e ajivë'e niögu ba'amë'oho ë hijamu. Hijamu gagorovo jiodudu'iraejareje.

6 Jiodudu'iraejumu gagorovo ruehuro uëvadeje: Nadi jiodudu'iraejëjo. Nazareth rajoae Iesu korosire anamu guomade a hesi sinoho jemë naharujëjo. Hu aveho bogohöjo. Guomoromori'öjë'e höjo. Hesi sino bamare sionoho gahëjo.

7 Garomo va'oromo Peter'o Iesuare ijorajo ioro'iorohu'o uërëjo: Iesuro urimo Galileeva'iramu mami'e uëvadire jemë ë ijore va'oromo ga'a'arujë uërëjo.

8 Ëhi uëvamu ë magonaho ömo'ömohuro jiodudu'iraeromo butubutumoromo munë gagorejioromo suorovoromo huruomoromo va'areje. Va'oromo juhuonivo'i ë jöho aho bogo majëhijareje.

Iesuhu Mary Magdalene-are nunire rovade jöhoje.

9 [Iae hura börömore sisonuvo'ia'amu Iesu guomadoho ri'öjadeje. Ri'öromo aevo'iohoMary Magdalene-are nunire rovadeje. Röhu urimo bogo guomade majare Iesuro ë magonahohesi dëre jio'amaje aru'aho sisë 7 raro'v'omadeje.

10 Ë magonaho hesi nunire rovamu gagorovo ë magonahohuro va'oromo gavade Iesuarearibövioho huë vavaene baeromo nivoruomamu gëgorovo uëvadeje: Iesu ri'öjë'ëro hijamugavode höjo.

11 Hijamu gavode höjumu heromo bogo ma uehorovareje.

Iesuhu hesi ijoraje niö'i jabesi nunire rovade jöhoje.

12 Bogo ma uehorovamu Iesuro Mary Magdalene-are nunire rovamu ijonö ae niö'iroamore jioromo va'i gavareje Iesu nu ano'e gorosovë'e rovamu.

13 Rovamu gagorovo jaburo niö'iro vuonorö'ö rueromo Iesuare aribövi ioro'iorohoIesu gavare jöho majëhijumu bogo ma uehorovareje.

Iesuhu hesi ijoraje 11 jabesi nunire rovade jöhoje.

14 Bogo ma uehorovoromo Iesuare ijoraje 11-ho jaburo ie ue'ahamu evare ijo tugoho'iIesu jabesi nuniroho rovadeje. Rueromo uehorovoromo uvadeje: Ave nasi ariböviohurohejare ae göëro göëro uëvamu: Nörö ri'öjë'e jiamu noro gavare hö uëvamu heromo bogoma uehorovare hö uvoromo birëgadeje. Birëgoromo uëvadeje: Jemë rabu hia'i birire ë'oromonaehu ri'öjode jöho bogo ma uehorovarije höjo.

15 Ëhi birëgonugoromo uëvadeje: Sa'ae dinö'e dinö'e va'oromo nasi jö maho ae aho'obëhemajëhi barërëjo.

16 Ae rahu mae uehorovoromo bapataeto vaejë'oho God-ro baejëvoromo manö

bamëvo'ajëjo. Ae rahu bogo ma uehorovë'oho God-ro uë'a'ajëjo: Jemë sisë jëvaje öri sisënö va'ohëjo.

17 O ae rahu mae uehorovë'oho aviëhi jië'e bogo gavarue mu masijoho vaeruomo'ajëjoaëro ëho garomo uvoruomoröhego: Iae mae-ëjo. Jemë jö mae atarujëjo. Nasi ihoho uvoromoSatan-are sisë aribövi a dëre jëvajoho rarovö'öruomo'ajëjo. Bogo hejarue jöëro atoruomo'ajëjo.

18 Vörö'e sigobu banigojiomë'oho o oso sisë'e jovo ue'ahë'oho bogo sisërëjëvo'ajëjo. O guomo guomo'e aribövi jabesi sinore övo bamëhë'oho marëjëvo'ajëjo.

God-hu Iesu ajamamu ö'idöre ajiomade jöhoje.

19 Bada Iesuro ëhi jië'e jöho majëhiromo God-ro hu ajamamu huro ö'idöre ajiomoromoGod-are övo manö hijadeje.

20 God-are övo manö hijamu hesi ariböviohuro va'oromo jöho majëhibe dinö'e dinö'ejijihonövareje. Majëhibe jijihö'ego Badaro jabu'o bimuvoromo muoho ajëmi'ego bogogavarue darugo'e muoho vaenövareje aëro ëho garomo jabesi jöho mae uehorovo'iröhego. Èhi'areje. Ahia mino'e.]